



45



# ԻՆՉՊԵՍ ՊԵՏՔ Է ԿԱԶՄԵԼ

ՍՍ. ՀՄԱՆՍԱԳՐՈՒԹԻՒՆԸ

ԿԱԶՄԵՆ ԽՈՆՆ. ԱՅՈՒՏ



42 48

ՀԱՅԿԻՍՏԱՆԻ ԿՆՆԱԿԱՆ ԳՐԱԳՐԱՐԱՆ

V

# ԻՆՉՊԵՍ ՊԵՏՔ Է ԿԱԶՄԵԼ



342

մ




## ՍԱՀՄԱՆԱԴՐՈՒԹՒԻՒՆԸ

ԿԱԶՄԵՆ ԽՅՆ-ԱԶՆՏ

Հրատարակումը լ. Քեանիանի

13224

A 2869



Թ Ի Ֆ Լ Ի Ս

Ելեկտրոնային տպագրության «ՀԱՐՄԻՆ» ընկ. Մադաթեան փող. № 5

1906

(165)

(ԱՐՏԱՏՊԱՆ «ՄՇԱԿԻՑ»)

ԻՆՉՊԷՍ ՊԷՏՔ Է ՄՇԱԿԵԼ ՍԱՀՄԱՆԱԴՐՈՒ-  
ԹԻԻՆԸ

I

ՍԱՀՄԱՆԱԴՐ ԺՈՂՈՎ

Անցեալ հոկտեմբերի 17-ի յայտնի մանիֆեստով կառավարութիւնը խոստացաւ Ռուսաստանին սահմանադրական կարգեր տալ: Սոց.-դեմ. կուսակցութիւնը ցանկանում և պահանջում էր, որ այդ սահմանադրական կարգերը մշակվեն երկրի բոլոր ժողովուրդների կողմից ընտրված պատգամաւորների ժողովում, սակայն բիւրօկրատական կառավարութիւնը չը համաձայնեց այդ բանի հետ և որոշեց սահմանադիր ժողովի փոխարէն Պետական Դումա հրաւիրել, ասելով որ նրա պարտականութիւնը պէտք է լինի սահմանադրութիւն մշակել: Խնդիրը, ի հարկէ, անունի մէջ չէ՝ սահմանադիր ժողով թէ Պետական Դումա այդ միևնոյն է. ամենաէական խնդիրը նրանում է, թէ ինչպէս կը լինի կազմված այդ ժողովը, սփբեր կը լինեն պատգամաւորները, սեմիից և ինչպէս կը լինեն նրանք ընտրված: Բանը նրանումն է, որ բիւրօկրատիան կամ մինխատրութիւնը, ժողովըրդային մեծ շարժումներից վախեցած ինքն էլ կարող է մի որ և է սահմանադրութիւն մշակել, սակայն բիւրօկրատիայի մշակած սահմանադրութիւնը երբէք չէ կարող ժողովրդի բոլոր խաւերին, մանաւանդ գիւղացիներին և բանւորներին լիակատար բաւարարութիւն տալ: Բանւորներին ցան-

կալի է որ սահմանադրութիւնը ամենաընդարձակ քաղաքական իրաւունքներ տայ ամբողջ ժողովրդին և որ ամեն մի քաղաքացի, ով որ էլ լինի նա, հաւասար իրաւունքներ ունենայ միւս բոլոր քաղաքացիներին հանդէպ: Բայց բիւրօկրատիան, ի հարկէ, այդ չէ ցանկանում, որովհետև նա երբէք ինքնակամ կերպով չի գիջանի իր իրաւունքները ուրիշներին և, իր սեփական շահերը թողած, ուրիշների շահերը չի պաշտպանի: Անկեղծութեամբ երկրին սահմանադրութիւն տալու դէպքում, բիւրօկրատիան չը պէտք է խառնվի նրա մշակման գործում, որոհետև միթէ գիւղացիները իրանց գաւառապետին կամ հողատէր աղային պէտք է հարցնեն, թէ ինչպէս իրանք պէտք է պաշտպանվեն նրանց բնութիւններն ու ճնշումների դէմ: Իսկ ինչ որ գաւառապետն ու հողատէր աղան են իրանց շրջանում, նոյնն են մինիստրներն ու բարձրատիճան իշխանաւորները ամբողջ երկրի վերաբերեալ: Գիւղացիները ու բանւորները չեն կարող նոյնպէս վստահանալ և այն սահմանադրութեանը, որ կրմշակեն այնպիսի պատգամաւորներ, որոնք ընտրված կը լինեն ոչ թէ ամբողջ ժողովրդի, այլ միայն կրթված և ունեւոր գասակարգերի կողմից: Այս դէպքում էլ երբէք չեն պաշտպանվի ժողովրդի ստորին խաւերի շահերն ու իրաւունքները, որոնք ոչ նիւթական կարողութիւն ու ոչ էլ կրթութիւն ունեն: Սօց.-առավակաբարական կուսակցութիւնը պահանջում է, որ սահմանադրութիւն մշակող ժողովը լինի համաժողովրդային, այսինքն՝ ընտրված լինի ամբողջ ժողովրդի կողմից համահաւասար իրաւունքներով: Նա նոյնպէս պահանջում է, որ այդ ընտրութիւնները կատարվեն ընդհանուր, ուղղակի, հաւասար և գաղտնի քուէարկութեան հիմունքների վրա: Միմիայն այս դէպքումն է որ աշխատաւոր ժողովուրդը կարող է լիակատար կերպով պաշտպանել իր շահերը: Եւ որովհետև ժողովրդի քաղաքական գիտակցութիւնից ու իր



շահերի լաւ բնութեանց է կախած այն հանգամանքը, թէ նա ինչ աստիճան կօղտվի իր իրաւունքներէց, ուստի Սօց.-դեմ. կուսակցութիւնը դրա համար էլ շատ մեծ նշանակութիւն է տալիս աշխատաւոր դասակարգի գիտակցութիւնը զարգացնելու գործին: Որչափ զարգացած լինի քաղաքականապէս մէկը, այնչափ էլ նա լաւ կարող է օգտվել ամեն հանգամանքներէց յօգուտ իր դասակարգային շահերի: Պէտք է շատ լաւ գիտենալ, որ սամիկ ժողովրդի թշնամիները հազար տեսակ խարդախութիւնների են դիմում, որպէս զի նրան զրկեն իր իրաւունքներէց • գտվելու կարելիութիւնից: Պատահում է, որ թղթի վրա ամեն ինչ շատ կարգին է, սահմանադիր ժողովի գումարումն է յայտարարված, յայտարարված է և այն, որ այդ ժողովը պէտք է ընտրվի ընդհանուր, հաւասար, ուղղակի և գաղանի բուհարկութեամբ: Մինչդեռ շնորհիւ մի շարք մանր, աննկատելի խարդախութիւնների և շնորհիւ այն պայմանների, որոնց մէջ գրված են լինում ընտրութիւնները, դուրս է գալիս որ ժողովուրդը զրկված է այն իրաւունքներից, որոնք թղթի վրա նրան են պատկանում: Թւել այդ բոլոր խարդախութիւնները անհնարին է: Բացի զբանից՝ միշտ նորերն էլ են հնարվում, այնպէս որ ընտրութիւնների ժամանակ հարկաւոր է միշտ ականջը սուր պահել և հետևել հակառակորդների հնարած դարձվածներին: Այնուամենայնիւ, կարելի է մի քանի ձևեր կանխաւ նախատեսել և հէնց դրա մասին է որ մենք կը խօսենք հիմա:

## II

### ՆԱԽԸՆՏՐՈՂԱԿԱՆ ԱԳԻՏԱՑԻԱ

Ով եղել է որ և է ժողովում—լինի քաղաքային, քանուորական, կամ համայնական—նա անշուշտ գիտէ,

Թէ որ աստիճան մեծ դեր են խաղում և կարևոր են այնպիսի մարդիկ, որոնք մոռանալով իրանց մինչև իսկ անձնական բարեկեցութիւնը, ամբողջապէս նուիրված են հասարակական գործին, շարունակ ժողովրդի գործերի մասին են մտածում ու նրա հոգսերով տառապում: Այդպիսի մարդը միշտ կարող է ժողովականներին պարզարանել նրանց հետաքրքրող հարցը, բացատրել թէ ինչպէս աւելի օգտակար է կարգադրել այս կամ այն ձեռնարկը, լուսարանել այն բոլոր խնդիրները, որ քիչ առաջ մութ և անհասկանալի էին: Նոյնպէս յայտնի է, որ իշխանութիւնը, զանազան աղաները, նոյնիսկ հոգևորականութիւնը և այլ տեղական պղտոր ջրի մէջ ձուկ որսողները շատ էլ չեն սիրում այդ կարգի «անհանգիստ» մարդոց, որոնք թշուառների շահերն են պաշտպանում և ամեն կերպ աշխատում են զրանց մէջտեղից վերացնել, նրանց ձայները կտրել: Եթէ նրանց չէ աջողվում այդ «վատ վարքի տէր» մարդոց մի որ և է կերպ մրտտել ու դատարանի միջոցով «հեռաւոր» արտորավայրերը ուղարկել, այն ժամանակ ադմինիստրացիան միշտ մի որ և է առիթ գտնում է՝ նրանց «ոչ այնքան էլ հեռաւոր» նահանգները ուղարկելու, վարչական եղանակով, իբրև «կասկածելի» անձաւորութիւնների, մանաւանդ որ զինուորական կամ խիստ պաշտպանութեան դրութիւնը ադմինիստրացիայի կամայականութեանը կատարեալ ազատութիւն է տալիս: Ո՞ւմ յայտնի չէ, թէ ինչպէս օր օրի վրա տասնեակ հազարաւոր ամենազարգացած ու ամենագիտակից բաղաբացիներ, որոնց կառավարութիւնը «բաղաբական յանցաւոր» անունով է կոչում, ձերբակալվում բանտերն են նետվում, Սիրիերի արտորավայրերը, տաժանակիր աշխատանքի են ուղարկվում, կախաղանի վրա են բարձրացվում և կամ ուշակի գնդակահարվում են: Ռուսաստանի ժողովուրդը, բիւրօկրատիայի ինքնիշխանութեւն շնորհիւ,



բոլորովին հեռացված է պետական գործերի մէջ մասնակցութիւն ունենալուց. այդ գործերը ժողովրդին համարեա թէ անծանօթ են: Ինքն ըստինքեան հասկանալի է ուրեմն, որ որպէսզի ժողովուրդը կարողանայ ճշտութեամբ ըմբռնել այդ բարդ գործերը, հասկանալ, թէ արդեօք ո՞ւր պէտք է ընտրել սահմանադրութիւն մշակելու համար, շափազանց անհրաժեշտ է, որ բոլոր այն մարդիկը, որոնք շատ են մտածել հասարակական գործերի վրա, դիւրութիւն ստանան ժողովրդի հետ խօսելու, նրան ժանրամասն բացատրելու և հասկացնելու այն բոլոր խնդիրները, որոնք վերաբերում են քաղաքական ազատութեանը: Ահա թէ ի՞նչու, նախ քան ընտրութիւնները նշանակելը, անհրաժեշտ է պահանջել կատարեալ ամնխատիա այն բոլոր արտրովածներէ ու բանտարկվածների համար, որոնց կատարած «յանցանքը» ոչ միայն արատ չէ բերում մարդուն, այլ ընդհակառակը յայտնվում է իբրև արտայայտութիւն ազնիւ բողոքի ընդդէմ ներկայ կարգերի: Բայց բաւական չէ միայն այդ մարդոց ազատ արձակելը. հարկաւոր է նրանց և միջոց տալ զնալու այնտեղ, ուր նրանք հարկաւոր են: Եթէ մէկին քշել են հազարաւոր վերստ հեռաւորութեան վրա, ի՞նչ նշանակութիւն ունի նրա համար ազատութիւնը, եթէ փող չունի այնտեղից հեռանալու: Պէտք է ուրեմն պահանջել, որ ամնխատիա հրատարակելով հանդերձ, կառավարութիւնը բոլոր ազատվածներին միջոցներ տայ իսկոյն զնալու այնտեղ, ուր իրանք կը ցանկանան: Ի հարկէ, ոչ որ չը պէտք է մտածէ անգամ բնակչութեան սահմաններ գծելու ասել թէ՛ դու իրաւունք ունես այս ինչ և այն ինչ քաղաքներում ապրել միայն: Ոչ միայն բանտերից ու արշից տղատվածների համար, այլ և Ռուսաստանի բոլոր քաղաքացիների համար պէտք է ոչնչացվեն այս կամ այն շրջանում ապրելու կամ շրջելու սամանափաշուները, ինչպէս

օրինակ, գոյութիւն ունեն հրէաների և մի քանի ազանդաւորների համար: Ինքնըստինքեան նոյնպէս հասկանալի է որ ոստիկանութիւնը և առհասարակ աղմինիստրացիան պէտք է անմիջապէս զրկվեն իրանց չը հաւանած մարդոց հետ կամայականութեամբ վարվելու իրաւունքից: Պատերազմական դրութիւնը պէտք է վերացնել անպատճառ: Բոլոր դատաստանական գործերը, որ յարուցված են «քաղաքական յանցանքների» համար, պիտի իսկոյն դադարեցվեն: Ամեն կարգի գործերի համար պէտք է հաստատվի երգվեալների դատարան, որ ընտրված կըլինի ժողովրդի բոլոր խաւերից, և ոչ ոքի չը պէտք է ձերբակալեն առանց այդ դատարանի թոյլտուութեան: Այլպէս շատ հեշտ կը լինի ընտրութիւններ կատարելու օրերերում ձերբակալել «անհանգիստ» մարդոց և յետոյ արձակել նրանց, ասելով թէ՛ դա «սխալի» կամ «թիւրմացութեան» արդիւնք էր:

Ոչ պակաս կարևոր է, որ մինչև ժողովի ընտրութիւնները մամուլի կաւտրեալ ազատութիւն տրվի: Ժողովրդի կարիքները պարզելու համար, տպագրական ազատ խօսքը միանգամայն անհրաժեշտ է: Հետտօրը կարող է խօսել հազարաւոր մարդերից կազմված ժողովում, իսկ տպագրական թերթը կարելի է տարածել հարիւր հազարներով ամբողջ երկրում և այդպիսով երկրի բոլոր ժողովուրդները կարող են մի տեսակ համաձայնութեան գալ: Հէնց դրա համար էլ անհրաժեշտ է, որ ամեն մարդ իրաւունք ունենայ ազատ կերպով տպագրել, ինչ որ ցանկանում է: Կառավարութեան կողմից ոչ մի արգելք չպիտի դրվի գրքեր, ամսաթերթեր, լրագիրներ, թուոցիկներ և այլն նրատարակելու, ծախելու, ամենուրեք ցրվելու և կարդալու համար: Հիմա ոչ միայն թոյլ չէ տրվում ձրիաբար գրքեր, լրագիրներ ու թերթեր ցրվելը, այլ և գրավածառութիւն անգամ չէ է սրելի անել, առանց կառավարութեան թոյլ-

սովորեալնս Բացի զբանից՝ ահագին քանակութեամբ զբքեր ու թերթեր կան, որ հիմա չեն թոյլատրվում ժողովրդական զբաղարաններում ու ընթերցարաններում ունենալ: Այս կարգի բոլոր սահմանափակումները պէտք է խստապահուցվեն: Բայց որչափ էլ զօրաւոր լինի տպագրական խօսքի ազատութիւնը, այնուամենայնիւ միայն զբանով չէ կտրելի բաւականանալ: Անհրաժեշտ է կենդանի խօսքը: Անհրաժեշտ է ունենալ և գումարումներ ու քնկերութիւններ կազմելու անսաման ազատութիւն: Հարկաւոր է, որ բոլորն էլ իրաւունք ունենան միասին հաւաքվելու երբ, որտեղ և ինչ քանակութեամբ որ կամենան: Հարկաւոր է որ ոչ որի համար այդ ժողովների մուտքը արգելված չը լինի, մինչդեռ հիմա ժողովների մուտքը շատերին արգելվում է, ժանաւանդ անչափահասներին: Ընդհակառակը սրանց ներկայութիւնը ժողովրդական ժողովներում շատ օգտակար է, որովհետև նրանք այնտեղ սովորում են ընտելանալ պետական ու հասարակական խնդիրներին և պատրաստվում են գիտակից ու իրանց իրաւունքը ճանաչող քաղաքացիներ դառնալու:

Ժողովները պէտք է թոյլատրվեն ամենուրեք, այսինքն՝ թէ շինութիւնների մէջ և թէ բացօդեայ: Այս վերջին տեսակի ժողովներն անգամ արգելվում են և այդպիսով բանւորները, որ անկարող են ժողովասարանների համար վարձ վճարել, մեծ դժուարութիւնների մէջ են ընկնում: Երբեմն էլ արգելում են կառավարչական հիմնարկութիւններից մի որոշ հեռաւորութեան վրա: Բոլոր այդ կարգի քմահաճ արգելումները միայն մի նըպատակ ունեն՝ դժուարացնել ժողովների գումարումը, ուստի և պէտք է զբանց միանգամայն վերացնել:

Ի հարկէ, ծածկված չէնքի մէջ էլ ժողովները պէտք է ազատ կերպով գումարել, թէ մասնաւոր արհեստներում, թէ հիւրանոցներում և թէ սրճարաններում քաղաքացիք իրաւունք պիտի ունենան գումարվել, ա-

առնց մի որ և է արգելքի: Եւ որպէսզի մեծ ժողով-  
ներ գումարելու համար շէնք գտնելու գիւրութիւն  
տրվի, պէտք է պահանջել, որ բոլոր հասարակական  
ու կառավարչական հիմնարկութիւնները, պարապ-  
մունքները գաղարկուց յետոյ, տրամադրելի լինեն  
ժողովների համար: Այսպէս օրինակ՝ պէտք է թոյլ  
տալ ժողովներ գումարելու թէ քաղաքի և թէ կառա-  
վարչական պաշտօնավայրերում, ուսումնարաններում,  
եկեղեցիներում և այլն և այլն: Բացի դրանից՝ այդ շի-  
նութիւնները պէտք է տրվեն բոլոր ցանկացողներին  
այն կարգով, ինչ հերթով որ դիմում եղած լինի, այ-  
լսպէս կառավարութիւնը միշտ կարող է այս կամ այն  
իրան համար անհաճօյ, կուսակցութեանը շէնք չը տալ:

Այս էլ ասելու է, որ ժողովները պիտի գումար-  
վեն, առանց ոստիկանական թոյլտուութեան, և, ի հար-  
կէ, ոստիկանութիւնը ոչ մի իրաւունք չը պիտի ու-  
նենայ ժողովներին միջամտելու: Ժողովը ինքը կընա-  
րի իր նախագահին ու սրա օգնականներին, որոնք և  
կը հակեն կարգի պահպանութեանը: Մինչև անգամ ոս-  
տիկանների համար ժողովի մուտքն իսկ արգելված  
լինելու է: Շատ երկրներում, որտեղ իբր թէ գումա-  
րումների «ազատութիւն» կայ, ոստիկանները միշտ  
ներկայ են գտնվում ժողովին, և առանց քաշվելու, փա-  
կում են նրան, երբ նկատում են, որ հետտորները շատ  
ազատ ոգով են խօսում: Ոստիկանների համար ժողո-  
վի մուտքը արգելելու է և այն հիման վրա, որ մեղա-  
նում ժողովրդի ահագին մեծամասնութիւնը իր կեան-  
քում առաջին անգամն է քաղաքական ժողովներում  
ներկայ գտնվելու, և նրանցից շատերի մէջ դեռ շատ  
զօրաւոր է սովորական վախը ոստիկանութիւնից և  
իշխանաւորներից. ուստի կը զգուշանան նրանց ներ-  
կայութեան ազատ կերպով իրանց կարծիքը յայտնել  
եւ յիշատի, միթէ գիւղացիներից շատերը կը լինեն,  
որ դաւառասկտի կամ իրանց գիւղական ազայի ներ-

կայութեան համարձակվեն ժողովում ազատ կարծիք  
յայտնել:

Այս բոլոր մի առ մի թեւած պայմանները ճշտու-  
թեամբ կատարելով միայն կարելի կը լինի ընտրու-  
կան ազիտացիա անել և զուամբելիք սահմանադիր  
ժողովի համար ազատ կերպով պատգամաւորներ ընտ-  
րութիւն կատարել:

Կայ և մի այլ շատ կարևոր խնդիր, այդ այն է,  
որ չափազանց անհրաժեշտ է, որ զինւորներն էլ իրա-  
ւունք ունենան, առանց իրանց իշխանութիւնից թոյլ-  
տուութիւն խնդրելու, մասնակցել նախընտրողական  
ժողովներին: Պէտք է որ զինւորներն էլ իմանան,  
թէ ինչ է ցանկանում ժողովուրդը, և պէտք է որ ժողո-  
վրդի հետ միասին նրանք էլ մասնակցեն պետական  
զործերում: Այդ ժամանակ այնքան էլ հեշտ չի լինի  
զորքին ժողովրդի վրա յարձակեցնել, ինչպէս այդ  
տեղի է ունենում այսօր: Ահա թէ որքան պայմաններ  
են անհրաժեշտ, որպէսզի ապահովված լինի ընտրո-  
ղական ազիտացիայի ազատութիւնը, որպէս զի ժողո-  
վուրդը կարողանայ բոլորովին զիտակցաբար վերա-  
բերվել այն բանին, թէ ո՞ւմ պէտք է ուղարկել իրրև  
պատգամաւոր, սահմանադրութիւն կամ երկրի համար  
հիմնական օրէնքներ մշակելու համար: Բայց այդ էլ  
դեռ քիչ է: Դեռ բաւական չէ զիտակցել թէ ո՞ւմ պէտք է  
ընտրել, հարկաւոր է և միջոց ունենալ այդ ընտրու-  
թիւնները ազատութեամբ կատարելու:

### III

#### ԸՆՏՐՈՒԹԻՒՆՆԵՐԻ ԿԱՏԱՐՈՒՄԸ

Ընտրութիւնները ընդհանրապէս կատարվում  
են հետևեալ կերպով.—Ամբողջ երկիրը բաժանվում  
է ընտրողական օրջանների: Ընտրողական շրջանը



յարմարեցվում է կամ արդէն գոյութիւն ունեցող բաժանումին այնպէս, որ, օրինակի համար, ամեն մի գիւղական համայնք կամ ամեն մի քաղաքամաս կազմում է մի առանձին ընտրողական շրջան. և կամ ընտրողական շրջանը որոշվում է բնակիչների թւի համաձայն, առանց ի նկատի առնելու արդէն գոյութիւն ունեցող բաժանումները, այնպէս որ, այս պարագայում, մի և նոյն գիւղական համայնքի կամ քաղաքամասի զանազան մասերը կարող են զանազան ընտրողական շրջանների մէջ մտնել, ինչպէս և գիւղական մի քանի համայնքների մասերը կարող են նոյնպէս մի և նոյն ընտրողական շրջանի մէջ մտնել: Ամեն մի ընտրողական շրջան ընտրութիւնները կատարում է առանձին և բոլորովին անկախ միւս շրջաններից: Իւրաքանչիւր ընտրողական շրջանի համար ընտրողների ցուցակ են կազմում, այսինքն այն անձների ցուցակը, որոնք ընտրութիւններին ժամանակցելու իրաւունք ունեն: Այդ ցուցակը պէտք է յայտարարվի ի գիտութիւն ընդհանուրի, պետք է տպւած և կախված լինի ամեն տեղերում, ուր ժողովուրդ է հաւաքվում. հրապարակներում, գիւղական գատարաններում, գործարաններում և այլն, որպէսզի ամեն մի ընտրող հնարաւորութիւն ունենայ ստուգելու, թէ արդեօք իր անունն էլ մտցված է այդ ցուցակի մէջ, և եթէ ոչ, պահանջէ որ մտցնեն: Ընտրութիւններից առաջ զանազան քաղաքական կուսակցութիւններ, կամ նոյն իսկ առանձին անհատներ, իրանց թեկնածուներն են առաջարկում, այսինքն՝ յայտարարում են այն մարդկանց անունները, որոնց պատգամաւոր ընտրվելը նրանց համար ցանկալի է: Թեկնածուները, ի հարկէ, պէտք է ծանօթացնեն ընտրողներին թէ ի՞նչպէս են իրանք հասկանում ժողովրդի շահերը և ի՞նչպիսի հիմնական օրէնքներ պէտք է պահանջեն սահմանադրութիւն մշակող ժողովում: Դրա համար թեկնածուները



շրջում են ընտրողական շրջանը, ճառեր են խօսում ընտրողների առաջ և տպագրված յայտարարութիւնն՝ որ են ցրվում, որոնց միջոցով նրանք ընտրողներին ծանօթացնում են իրանց ծրագրի, հայեացքների և դիտաւորութիւնների հետ: Նախօրօք նշանակվում է ընտրութիւնների օրը և տեղը: Ընտրութիւնների սրահի մուտքը ազատ պէտք է լինի հասարակութեան առաջ, որպէսզի սա կարողանայ հսկել ընտրութիւնների կանօնաւորութեան վրա և որ ապօրինի մեքենայութիւններ տեղի չունենան: Նոյն այդ նպատկի համար, հարկաւոր է, որ բոլոր քաղաքական կուսակցութիւնների ներկայացուցիչները մասնակցութիւն ունենան ընտրողական բիւրօի իէջ, այսինքն այն մարմնի մէջ, որին յանձնված է ընտրութիւնները ղեկավարել, որովհետև նոյն այդ ընտրութիւնները ղեկավարող չինովնիկները կարող են խարդախութիւններ կատարել յօղութ այն կուսակցութիւնների, որոնք հաճելի են կառավարութեանը և ֆուսսակար ժողովրդին: Ամեն մի ընտրող ստանում է անուանական տու, որով վաւերացվում է թէ նա իրաւունք ունի ընտրութիւններին մասնակցելու: Քուէարկելու ժամանակ այդ տոմսակը նրկայացվում է բիւրօին, որ ընտրողական ցուցակի մէջ նշանակում է, թէ այսինչ մարդը արդէն քուէարկել է: Անուանական տոմսակը ուրիշին տալը, ուրիշի փոխարեն քուէարկելը անհասարակ չէ թոյլատրվում, որովհետև այդ ձևով կարելի է շատ բան ի չարը գործ գնել: հարուստները փողով կը գնեն աղքատներից քուէարկելու իրաւունքը և այդպիսով իրանց ձեռքը կը գցեն բոլոր ընտրութիւնները:

Ընտրութիւնները կատարվում են ընտրողական բիւրօսեցներով, այսինքն՝ յատուկ թերթիկների միջոցով, որոնց վրա տպված են թեկնածուների անունները: Այդ թերթիկների վրա տպված են լինում կամ բոլոր թեկնածուների անունները, կամ թէ ամեն մի կու-

սակցութիւն, որը իր յատուկ թեկնածուն է ներկայացնում, տպում է իր առանձին թերթը, վրան նշանակելով միայն իր թեկնածուի անունը: Առաջին դէպքում ընտրողը ջնջում է բոլոր թեկնածուների անունները, բացի այն մարդու անունից, որին ինքը ցանկանում է բուէ տալ: Իսկ երկրորդ դէպքում, բոլոր ընտրողներին բաժանվում է իւրաքանչիւր կուսակցութեան թերթիկներից, որից յետոյ քուէարկողից է կախված, թէ ո՞ր կուսակցութեան թերթից կը օգտվի և ո՞ւմ քուէ կը տայ:

Այն դէպքում, երբ միևնոյն թերթի վրա են տպագրված բոլոր թեկնածուների անունները, ընտրողական բիւրօն ընդհանրապէս ճիշտ ընտրութիւններէ ժամանակ է բաժանում այդ թերթիկները, իւրաքանչիւր ընտրողին մի թերթիկ տալով: Եւ եթէ քուէարկութիւնը գաղտնի է, ընտրողը մտնում է մի առանձին սենեակ, ուր նա մնում է բոլորովին միայնակ, որպէսզի ոչ ոք չը կարողանայ տեսնել, թէ նա ո՞ւմ անուններն է ջնջում և ո՞ւմը թողնում: Երբ այդպիսով բիւլլետէնը պատրաստ է, բիւրօն կանչում է ընտրողին և սա բիւրօի ու հասարակութեան աչքի առաջ է իր թերթիկը գցում քուէտուփի մէջ, որպէսզի ոչ ոք չը կարողանայ մի քանի բիւլլետէն միասին դրել: Այս բոլորը, ի հարկէ, կատարվում է, ինչպէս ասացինք, այն դէպքում միայն, երբ քուէարկութիւնը գաղտնի է. իսկ եթէ նա գաղտնի չէ, այն ժամանակ ընտրողին պարզապէս հարցնում են թէ՞ ո՞ւմ է նա տալիս իր բուէն, և կամ թէ, ինչպէս անում են զիւղական ժողովների ժամանակ, պարզապէս ասում են՝ ով ցանկանում է այս ինչին ընտրել, թող ձեռք բարձրացնի, իսկ ով համաձայն չէ, թող մի կողմ քաշվի:

Երբ բոլոր ընտրողները իրանց բիւլլետէնները քուէտուփի մէջ գցում, վերջացնում են, այն ժամանակ սկսում են հաշուել, թէ իւրաքանչիւր թեկնածուի համար քանի քուէ է տրված: Այդ հաշիւը պետք է կա-

տարել ընտրութիւններից անմիջապէս յետոյ, թէկուզ գիշերվայ ուշ ժամն էլ լինի: Նոյնպէս անհրաժեշտ է, որ դա կատարվի հասարակութեան ներկայութեան և բոլոր կուսակցութիւնների ներկայացուցիչների մասնակցութեամբ: Ամենից շատ քուէ ստացողը իսկոյն և եթ ընտրված է յայտարարվում:

Կան այնպիսի կանոններ, որ ընտրված լինելու համար բաւական չէ տրված ձայների կէսից աւելին ստացված լինի: Ենթադրենք, օրինակի համար, թէ քուէարկողները 1000 հոգի են եղել. Յովհաննէսին տուել են 450 ձայն: Տրդատին 300, իսկ Պետրոսին 250 ձայն: Եթէ ընտրութիւնները կատարվում են ձայների հասարակ մեծամասնութեամբ, այն ժամանակ Յովհաննէսին ընտրված պէտք է համարել: Իսկ եթէ ընտրված լինելու համար պահանջվում է՝ բոլոր տուած ձայների կէսից աւելին ունենալ, այդ պարագայում վերոգրեալ թեկնածուներից և ոչ մէկը ընտրված չէ կարելի համարել: Այսպիսի դէպքում նոր ընտրութիւն— կրկնաքուէարկութիւն է նշանակվում երկու առուելագոյն քուէներ ստացող թեկնածուների մէջ, մեր օրինակով Յովհաննէսի և Տրդատի մէջ: Պարզ է որ կրկնաքուէարկութեան ժամանակ այն անձինք, որոնք առաջին անգամ իրանց քուէները Յովհաննէսին ու Տրդատին էին տուել, դարձեալ նրանց կը տան իրանց քուէները: Իսկ թէ վերջապէս ո՞վ կը լինի ընտրված, —այդ կախված կը լինի այն հանգամանքից, թէ արդեօք ո՞ւմ կը տան իրանց քուէները Պետրոսի կողմնակիցները: Եթէ նրանք իրանց բոլոր ձայները տան Տրդատին, այն ժամանակ կրկնաքուէարկութիւնից յետոյ սա կը ստանայ 550 ձայն, իսկ Յովհաննէսը կը մնայ իր 450 ձայնով: Ուրեմն, ընտրված կը լինի Տրդատը, թէև առաջին քուէարկութեան ժամանակ նա Յովհաննէսից պակաս ձայն էր ստացել: Այսպիսով քուէարկութիւնների հետեանքը կախված է այն ընտ-

բողներից, որոնք ամենաքիչ քուէ ստացող թեկնածուներին էին տուել իրանց ձայները, ուստի և այդ ընտրողները հնարաւորութիւն ունեն խելացի կերպով օգտւելու այդ հանգամանքից: Օրինակի համար, եթէ Պետրոսը եղել է բանւորների թեկնածուն, բանւորները կարող են ասել, մեզ չը յաջողվեց մեր թեկնածուին անցկացնել, բայց կրկնաքուէարկութեան ժամանակ մեր ձայները կը տանք նրան, ով կը խոստանայ սահմանադիր ժողովում ռամկավարական կարգեր պահանջել: Եւ եթէ Տրդատը խոստանայ այդպիսի պարտաւորութիւն իր վրա վերցնել, մենք նրան կընտրենք կրկնաքուէարկութեան ժամանակ, այլապէս թող նա մեզանից ոչ մի օգնութիւն չը սպասի:

Կրկնաքուէարկութեան ժամանակ նոյնպէս մեծ նշանակութիւն ունեն և այն ընտրողները, որոնք առաջին ընտրութեան ժամանակ զանազան պատճառներով չէին մասնակցել ընտրութիւններին: Քանի որ ժողովուրդը զեռ պարզ կերպով չէ ըմբռնել, թէ ինչ մեծ նշանակութիւն ունեն իր համար պետական կարգերը, շատերը չեն մասնակցում ընտրութիւններին, ասելով թէ՛ դա իմ գործը չէ, ես իմ տնային զբաղումները ունեմ, տանս կտուրը պէտք է նորոգեմ և այլն: Նա էլ չէ հասկանում, որ իր տնային և այլ գործերի վատ զընալու պատճառը հէնց այն է, որ պետական գործերը վարող մարդիկ ամենածանր հարկերը դնում են ժողովրդի վզին, իսկ հարուստներին ազատում են շատ հարկերից, ժողովրդին պահում են խաւարի, տգիտութեան մէջ, իսկ հարուստների համար շինում են գրադարաններ, մուզէյններ, համալսարաններ. ժողովրդին զրկում են ամեն իրաւունքներից, իսկ հարուստներին ամեն տեսակ արտօնութիւններ են շնորհում:

Քուէարկութիւններին չը մասնակցելը մեծ չարիք է, դա ժողովրդի տհասութիւնն է ապացուցանում: Հարկաւոր է բոլորին և իւրաքանչիւրին, նամանաւանդ



բանւորներին ու գիւղացիներին լաւ հասկացնել, որ նա պարտաւոր է գնալ ընտրութիւններին և ձայն տալ իրանց շահերը պաշտպանող թեկնածուներին: Եթէ առաջին ընտրութիւնների ժամանակ չը յաջողվեց բոլորին հասկացնել և քնից սթափեցնել, հարկաւոր է կրկնաքուէարկութեան ժամանակ արթնացնել նրանց խիղճն ու գիտակցութիւնը: Կրկնաքուէարկութեան ժամանակ բանւորական թեկնածուին հազիւ թէ բանւորներից զատ մի ուրիշը բուէ տայ, ուստի երբ բանւորական թեկնածուն կրկնաքուէարկութեան է ենթարկվում, նրան կարող են օգնութեան հասնել միայն այն բանւորները, որոնք առաջին ընտրութիւններին չէին մասնակցել. կրկնաքուէարկութեան գալով նրանք իրանց թեկնածուին նոր բուէներ կը տան:

IV


ԸՆԴՀԱՆՈՒՐ ԸՆՏՐՈՂԱԿԱՆ ԻՐԱՒՈՒՆՔ

Ռուսաստանի Սոց.-դեմօկրատիական կուսակցութիւնը պահանջում է, որ բոլոր ընտրութիւնները սահմանադրական ժողովների և այլ տեղական ինքնավարական հաստատութիւնների (քաղաքային դումաները, զեմստվօները, գիւղական համայնքները և այլն) համար, ինչպէս և սահմանադիր ժողովի համար, կատարվեն բնդհանուր, հաւասար, ուղղակի ու գաղտնի քուէարկութեամբ:

Ի՞նչ է նշանակում բնդհանուր բնօղական իրաւունք:

Դա նշանակում է այն, որ քուէարկութեան իրաւունք պիտի ունենայ ամեն ոք՝ տղամարդ թէ կին, ով քսան տարեկան է: Շատ կարեւոր է, որ կանանց էլ քուէարկութեան իրաւունք տրվի, որովհետեւ կինն էլ նոյնչափ աշխատում ու շահագործւում է, ինչպէս և տղամարդը, ուրեմն նա էլ պէտք է ժարանչէ շահագործումից ազատվելու համար: Աւելին կարելի է ասել. ներկայ հասարակութեան մէջ կանայք շատ աւելի են

A 2869 1922H



ճընշըված, քան տղամարդիկ. նրանք այնպիսի իրաւութ-  
ներից են զրկված, որ տղամարդիկ վաղուց ունեն  
արդէն: Բացի զրանից՝ կանանց աշխատանքի վարձը  
միշտ աւելի պակաս է գնահատվում, քան տղամարդինը,  
չընայելով որ նրանք էլ մի և նոյն աշխատանքն են  
կատարում: Հէնց այդ է պատճառը, որ գործարանատէ-  
րերը միշտ աշխատում են ամեն տեղ, ուր հնարաւոր  
է, տղամարդկանց աշխատանքը փոխարինել կանանց  
աշխատանքով, որի հետեանքը այն է լինում, որ  
բանուորների մայրերը, քոյրերը և կանայք փոխանակ  
նրանց հետ ձեռք ձեռքի տաւծ, իրրեւ շահակից ու  
բաղտակից ընկերներ, միասին իրանց ընդհանուր  
շահագործողների և կապիտալի դէմ կռիւ մղելու,  
միմեանց աշխատանքի մրցակիցներ են հանդիսանում:  
Բացի զրանից, քաղաքական իրաւունքներից կանանց  
զուրկ լինելը և այն տխուր հետեանքն է ունենում որ  
եթէ, օրինակի համար, մայրը ստրկական ոգով է  
մեծացած, նա այդ ոգին ու զղացումները ներշնչում է  
և իր որդուն, կամ եթէ կինը չէ հասկանում իր  
ամուսնու մղած կուռի նշակութիւնը, նա միշտ խանդա-  
րում է նրան իր կշտամբանքներով ու արցունքներով:  
Հէնց զրա համար էլ անհրաժեշտ է, որ կանայք էլ  
քաղաքացիներ դառնան, ուստի պէտք է նրանց զուրս  
հանել իրաւագուրկ գրութիւնից, միջոց տալ նրանց,  
տղամարդկանց հետ հաւասար իրաւունքներով մասնակե-  
ցելու պետական և հասարակական գործերում:

Քսան տարեկան հասակը այն հասակն է, երբ  
մարդ արդէն խելահաս է դառնում ու կարող է ծա-  
նօթանալ կեանքի շարի և բարու հետ, հասկանալ  
ժողովրդի կարքիները: Բացի զրանից, երիտասար-  
դական հասակում մարդ աւելի անշահախնդիր  
կեպով է նուիրվում հասարակական գործին և չէ մտա-  
ծում իր անհատական շահերի մասին: Ահա թէ ինչու  
պիտի պահանջել, որ ընտրողական իրաւունք ունենալու



համար 20 տարիքից աւելի չը պահանջվի: Այդ տարիքից աւելին պահանջված ղէպքում առհասարակ զեկավարվում են այն մտքով, թէ օրինակի համար 25 տարեկան մարդը արդէն ընտանիքի տէր կըլինի և միշտ զիջող կը լինի գործից զրկվելու կամ մի այլ սպառնալիքի տակ:

Բայց ենթադրենք, թէ արդէն ընդհանուր ընտրողական իրաւունք է յայտարարված թէ տղամարդկանց և թէ կանանց համար, 20 տարեկանից սկսած: Դա զեռբաւական չէ, որ իրապէս ընտրողական իրաւունքը ընդհանուր լինի: Երբեմն մի որ և է «ժանօթութիւնով» կամ մի անըմբռնելի բառով միլլիօնաւոր մարդոց մի անգամից զրկում են ընտրողական իրաւունքից: Քննենք այդ կարգի սրամիտ խարդախութիւններից գլաւորները:

Ընդհանուր ընտրողական իրաւունքը կարելի է սահմանափակել, կապելով նրան կրթութեան աստիճանի հետ: Այդ պարագայում կարող են, օրինակի համար, ասել՝ ընդհանուր ընտրողական իրաւունք են ստանում բոլոր գրագէտ տղամարդիկ և կանայք... Ահա, բաւական է մի հատ «գրագէտ» բառը կցել, որպէսզի Ռուսաստանի աշխատաւոր բնակիչներին կէսից աւելին զրկվի քսողական իրաւութից: Բայց ո՞վ է մեղաւոր, որ ժողովրդի մեծագոյն մասը անգրագէտ է մնացել մինչև XX-դ դարը: Ժողովրդի ազիտութիւնը ձեռքնառ է միայն նրա շահագործողներին, որոնց վրա էլ հէնց ընկնում է ժողովրդին շարամտարար ուսումից զրկելու յանցանքը: Եթէ նրանք ուսումը միայն իրանց ու իրանց զաւակների բաժին են դարձրել, թող ուերմն չը համարձակվեն ժողովրդին ասելու, թէ նրան չէ կարելի թոյլ տալ պետական գործերում մասնակցելու, որովհետև նա անգրագէտ ու տգէտ է: Բայց որչափ էլ տգէտ լինի բանւորը, այնուամենայնիւ նա շատ լաւ է հասկանում իր շահերը: Կառավարութիւնն էլ ճիշտ հէնց գրանից է վախենում. նա գիտէ, որ եթէ

բանւորներին քաղաքական իրաւունքներ տրվին, նրանք այլևս պետութեան ճակատագիրը չեն յաճձի բիւրօկրատիայի ու կապիտալիստների ձեռքը: Հէնց այդ վախն է միակ պատճառը, որ գործարանատէրերը, հողատէրերն ու վաճառականներն էլ միանալով կառավարութեան հետ, միշտ աշխատում են միլիօնաւոր աշխատւորներին զրկել քուէարկութեան իրաւունքից, պատճառ բերելով նրանց անզրագիտութիւնը: Նրանց կարելի էր ասել, որ եթէ դուք ցաւում էք անկեղծաբար ժողովրդի անզրագիտութեան ու տգիտութեան համար, այն ժամանակ շտապեցէք շուտով ուսումնարաններ բանալ ձեր գործարաններին կից թէ, շափտհաս և թէ մանկահասակ բանւորների համար և, որ գլխաւորն է, կրճատեցէք աշխատանքի ժամերը, որպէսզի բանւորները ժամանակ և միջոց ունենան սովորելու, կրթվելու: Փորձեցէք այսպիսի խօսքերով գործարանատէրերին մօտենալ, նրանցից 100-ից 99-ը կը զայլանան բանւորների «յանդգնութեան» վրա, իսկ միւս մէկն էլ լալկան և զանակով կը սկսի «բացատրել» ձեզ, թէ ճիշտ աստիճան «անհնարին է» այդպէս բարեօք կարգեր մտցնելը գործարանում:

Քուէարկութեան իրաւունքի ընդհանուր լինելը կարող են սահմանափակել և հարստութեան աստիճանով: Օրինակ՝ ընտրողական իրաւունք է տրվում բոլոր նրանց, ով տարեկան այսքան բուրլուց ոչ պակաս հարկ է վճարում պետութեանը: Այսպիսով, ի հարկէ, զարձեալ բանւորներն ու ազատ գիւղացիներն են զրկվում քուէարկութեան իրաւունքից, չը նայելով որ հէնց նրանք են ամենից շատ հարկ վճարողները. բայց նրանումն է, որ ժողովրդի վրա իրանց ամբողջ ծանրութեամբ ընկնում են անուրվակի հարկերը, այն է՝ ծխախոտի, լուցկիի, նաւթի, օդու, երկաթի, թէյի, շաքարի, ջրի և այլն, և այլն հարկերը, որոնք վերցվում են ոչ թէ ուղղակի կերպով, բայց աւելացված են

ապրանքի գնի վրա, սակայն այդպիսով նրանք չեն դադարում հարկ լինելուց: Իսկ բուհարկութեան իրաւունք ունենալու համար, ի նկատի են առնվում միայն ուղղակի հարկերը, այսինքն նրանք, որոնք վճարվում են ուղղակի կերպով և ոչ թէ ապրանքի գնի միջոցով: Այդպիսի հարկերն են՝ արդիւնաբերական հարկ, բնակարանի հարկ, եկամուտի հարկ, և այլն: Այդ կարգի հարկեր բանւորը ընդհանրապէս չէ վճարում, որովհետեւ նա արդիւնաբերութիւն չունի և յաճախ էլ իր սեփական բնակարանում չէ ապրում, այլ բանւորական կազարմաներում և կամ մի ուրիշի բնակարանի մի անկիւնում, ուստի նա կամ բոլորովին և կամ թէ չէ՝ շատ չնչին հարկ է վճարում: Գիւղացիները վճարում են ուղղակի հարկ—հողային տուրքը, և հէնց զրա համար էլ մեղանում յաճախ ասում են, թէ բոլոր գիւղացիք իրաւունք ունեն գիւղական ժողովում մասնակցելու: Բայց այդ «բոլոր» ասելն էլ ճիշտ չէ, որովհետեւ միայն տանտէրերը իրաւունք ունեն ժողովում մասնակցելու, կամ այլ խօսքերով՝ իւրաքանչիւր տանից մի մարդ, այն է՝ տան գլխաւորը: Բայց չէ՞ որ միևնոյն տան մէջ յաճախ տանտիրոջից զատ ապրում են 5—6 և աւելի տղամարդիկ ու կանայք: Ուրեմն, եթէ ընտրողական իրաւունք տրվի միայն հողային տուրք վճարողներին, այդ պարագայում գիւղական ժողովրդի մի շատ չնչին մասը կօգտվի այդ իրաւունքից, իսկ մնացեալ մեծ մասը բոլորովին զրկված կը լինի, և զրկվողները, ի հարկէ, աւելի երիտասարդութիւնն է, որովհետեւ ընտրութիւններին մասնակցողը տան մեծն է լինում միշտ: Իսկ թէ ի՞նչ է նշանակում այդ, կարող է հասկանալ ամեն մի գիւղացի: Եթէ գիւղական ժողովներին մասնակցէր երիտասարդութիւնն էլ, այն ժամանակ այդ ժողովները խաղալիք չէին դառնայ զանազան իշխանաւորների, վաշխաւորների ու տղրուկների ձեռքին: Երիտասարդութիւնը այնպիսի մի ընդդի-

մաղբութիւն ցոյց կը տար, որպիսին երբէք չէին յանդգնի անել ձերերը, որոնցից շատերը զեռ յիշում են ճորտութեան ժամանակները և սովորել են ամեն մի ազայի առաջ դողալ:

«Օրէնքի համաձայն» ընտրողական իրաւունքը սահմանափակելու մի ուրիշ ճանապարհ էլ կայ.— այդ այն է, որ ընտրողական իրաւունքը կապում են այն հանգամանքի հետ, թէ մէկը սրշափ ժամանակ է միևնոյն վայրում բնակվել: Օրինակի համար, օրէնքը յաճախ պահանջում է, որ ընտրողական իրաւունքով օգտվողը պէտք է մի-երկու, երբեմն երեք և աւելի տարի անպատճառ ապրած լինի այն ընտրողական շրջանում, ուր նա քուէ պէտք է տայ: Դա ուղղակի մի անարդար ծաղր է ժողովրդի դէմ, որովհետև մի՞թէ շարունակ միևնոյն վայրում չապրող ու իր գործերով այս ու այն կողմ թափառող մարդը պակաս է շահահագրդոված պետական գործերով ու կարգերով: Ընտրողական իրաւունքը այդ եղանակով սահմանափակելու շարամիտ օրէնքը հնարված է գլխաւորապէս և գիւղացիներին ընտրողական իրաւունքից զրկելու նըպատակով, որովհետև բանւորներն ու գիւղացիներն են, որ իրանց օրապահիկը հայթայթելու համար, ստիպված են շարունակ տեղից տեղ թափառել, մէկ օր այստեղ, միւս օր մի այլ տեղ գործ և աշխատանք գըտնելու համար: Եւ այդպէս շարունակ չապրողների թիւը Ռուսաստանում միլիոնների է հասնում: Հէնց զբանց է, որ ուզում են ընտրողական իրաւունքից զրկել:

Սակայն ենթադրենք, որ ընտրողական իրաւունքը սահմանափակող վերոգրեալ օրէնքներից և ոչ մէկը գոյութիւն չունի, այլ ամբողջ ժողովրդին մեր ուզած ձևով ընտրողական իրաւունք է տրված: Բայց արդեօք այդ դէպքում էլ կարելի՞ է հանգիստ լինել ու ասել, թէ ոչ ոք զրկված չի լինի քուէի իրաւունքից: Դժբաղդարար պէտք է խոստովանել, թէ ոչ, որովհե-



տև մարդկային խորամանկութիւնը շատ ննարագէտ է և որտեղ անկարելի է ուզածը ուղղակի ճանապարհով անել, ծուռ ու մուռ ճանապարհների ևն դիմում:

Ի հարկէ, ոչ մի հնարաւորութիւն չը կայ նախօրօք նախատեսել ամեն կարգի խարդախութիւնները. հարկաւոր է ամեն մի ընտրութեան ժամանակ շատ զգաստ լինել: Բայց մենք կարող ենք մատնանիշ անել մի քանի բաւականին տարածված եղանակների վրա, որոնց միջոցով կարողանում են հէնց ընտրութիւնների ժամանակ զանց առնել ընտրողական իրաւունքի «ընդհանուր» լինելը: Վերցնենք, օրինակի համար, ընտրութիւնների ժամանակը նշանակելը: Բաւական է, որ ընտրութիւնները լի օր նշանակվեն և այն էլ աշխատութեան ժամերին, որպէս զի բանւորները համարեա թէ բոլորովին զրկվեն ընտրողական իրաւունքից, մի իրաւունք, որ նրանց «օրէնքով» տրված է թղթի վրա: Չէ որ շատ քչերը համարձակութիւն կունենան աշխատանքը թողնել և քուէարկութեան խաթրու տուգանք վճարել գործարանատիրոջը: Նոյնը կը լինի, եթէ ընտրութիւնները նշանակվեն երեկոյեան, հանգստութեան ժամերին: 12—14 ժամ ծանր աշխատանքից յետոյ, ամեն մարդ չէ կարող այն աստիճան ըմբռնել ընտրութիւնների կարևոր նշանակութիւնը, որ փոխանակ հանգստանալու, զնայ ընտրողական բիրտն ու այնտեղ հերթի սպասի: Ծատ շատերը կը մտածեն.— «մե՞ծ բան է, որ ես չը գամ, առանց ինձ էլ ուրիշներ շատ կան»: Բայց բանն էլ հէնց նրանումն է: որ այդպէս մտածողները շատ շատերն են լինում և այդպիսով հազարաւոր բանւորներ զրկվում են ընտրողական իրաւունքից: Հէնց դրա համար էլ պէտք է որ ըտրութիւնները անպատճառ տօն կամ կիրակի օր նշանակվեն, երբ բանւորների մեծամասնութիւնը չէ աշխատում: Իսկ այն բանւորները, որոնք տօն օրերումն էլ են աշխատում, (կօնդուկտօրները, երկաթուղու և տը-

բամվայի վրա աշխատողները, պօստային ծառայողները, գործակատարները, տան ծառաները և այլն), պէտք է պարտաւորաբար արձակված լինեն գործատէրերի կողմից ընտրութիւնների օրը, առանց իրանց օրավարձից զրկվելու, կամ գոնէ այդ օրը կէսօրից հերթական աշխատանք պէտք է սահմանել: Այդ եղանակով միայն բոլորն էլ հնարաւորութիւն կունենան ընտրութիւններին մասնակցելու: Որպէսզի ընտրողական իրաւունքը ընդհանուր լինի, նոյնպէս մեծ կարեւորութիւն ունի և ընտրութիւնները կատարելու տեղը: Ենթադրենք, օրինակի համար, որ ընտրողական շրջանը 20—30 վերստի վրա է տարածվում, իսկ ընտրութիւնները կատարելու տեղը նշանակված է այդ շրջանի մի ծայրում: Կարո՞ղ են արդեօք միւս ծայրում ապրող բոլոր ընտրողները գալ ընտրութիւններին մասնակցելու: Հարուստների համար այդ ոչ մի նշանանակութիւն չունի, մարդն էլ, կինն էլ ու չափահաս որդիներն էլ կարող են գնալ, տունն ու երեխաներին ծառաների խնամքին թողնելով, իսկ ծառաները, նրանք, ի հարկէ, չեն կարող գնալ և ուրեմն կը զրկվեն իրանց իրաւունքից: Ձի ունեցող գիւղացին էլ կարող է գնալ, բայց նա էլ կամ կնոջը, կամ մօրը և և կամ ընտանիքի չափահասաներից մէկին պէտք է տանը թողնէ, երեխաներին ու անասուններին խնամելու համար: Աւրեմն դարձեալ ընտանիքից մէկն ու մէկը պէտք է զրկվէ քուէի իրաւունքից: Աւելորդ է ասելը, որ 20—30 վերստ հեռաւորութեան վրա ապրող բանւորին բոլորովին անհնարին կը լինի ընտրութիւններին գնալ. նա ձի չունի, իսկ փող ծախսել ամբողջ ընտանիքով այդչափ հեռու գնալու համար, նրա ոյժերից վեր կը լինի: Բանից դուրս է դալիս ուրեմն, որ եթէ ընտրութիւնները անյարմար տեղ լինեն նշանակված, «ընդհանուր» ընտրողական իրաւունքից ոչինչ չի մնայ: Ա՛յ, թէ ի՞նչպէս հեշտ է, մի փոքրիկ խորամանկութիւնով ժողովրդի



մի ահագին բազմութիւն գրկել ընտրողական իրաւունքից՝

Որպէս զի այդպիսի բաներ չը պատահեն, պէտք է պահանջել, որ եթէ ընտրողական շրջանը մեծ է, նրա զանազան մասերում մի քանի ընտրողական բիւրօներ կազմվեն, որպէս զի ամեն մարդու համար մօտ լինի։ Եւ որպէս զի մի և նոյն մարդը չը կարողանայ զանազան բիւրօներում քուէ տալ, հարկաւոր է միայն, որ քուէ տալու միջոցին, քուէարկութեան մասնակցելու իրաւունքը ապացուցանող նրա անուանական տոմսակի վրա նշանակել, թէ նա արդէն քուէարկել է։

Մեծ սշանակութիւն ունի և շէնքը, որի մէջ ընտրութիւնները պիտի կատարվեն։ Թւում է թէ ինչ կապ կարող է ունենալ շէնքը ընտրողական իրաւունքի ընդհանուր լինելու հետ։ Սակայն կապ կայ, և այն էլ մեծ կապ։ Երևակայեցէք, որ ընտրութիւնները կատարելու համար յատկացված է մի փոքրիկ սենեակ, որի մէջ հազիւ 20—25 մարդ կարող են տեղաւորվել, իսկ ընտրողական բիւրօն էլ է աղմկած է մի երկու զոյգ զրազիրներից։ Այդպիսով ընտրութիւնները շատ դանդաղ առաջ կը գնան, իսկ ընտրողների թիւը գուցէ 10—15 հազար է։ Ի՞նչ էք կարծում, միթէ շատերը համբերութիւն կունենան սպասելու 10, 15, 20 ժամ, մինչև ուշ գիշեր ու այն էլ փողոցում, գուցէ և խիստ ցուրտ ժամանակ։ Այս գէպքում էլ դարձեալ հարուստները շատ բան չեն կորցնի. նրանք, տաք մուշտակներում փաթաթված, կարող են մի քանի անգամ կառքով գալ. եթէ տեսնեն որ բիւրօն զրազված է, կը վերադառնան կլուր կամ մի այլ տեղ և ապա, գիշերվայ ուշ ժամին, երբ բազմութիւնը արդէն ցրված կը լինի, նորից կը գան բիւրօն իրանց քուէները տալու։ Իսկ խեղճ ժողովուրդը այդպէս սպասել չէ կարող. աշխատանքից յետոյ նա յոգնած է լինում և միւս օրն էլ վաղ առաւօտեան գործի պիտի գնայ։

Բացի դրանից՝ նին հագուստներով նա չէ կարող երկար փողոցում մնալ, ցուրտ է. նայնպէս չէ կարող և երկար ժամերով քաղցած մնալ. եթէ տուն գնայ, հետու է, այլ ևս կը ծուլանայ վերադառնալու, իսկ եթէ մօտիկ ճաշարանը գնայ—թանդ է, սիրտ չի անիլ։ Ուրեմն ճարահատեալ նա ձեռքը կը թափահարի օդի մէջ ու կը հեռանայ ասելով. «Չհանգամը ընտուծիւնները, ինչի՞ս պէտք...» Ինչպէս տեսնում էք, ըստ երեոյթիւն մի մեծ բան չէ շէնքի խնդիրը, բայց և այնպէս նրա պատճառով շատ բանւորներ ու խեղճ ժարդիկ կարող են զրկվել ընտրողական իրաւունքից։ Ուրեմն անհրաժեշտ է պահանջել, որ ընտրողական բխրօն բաւականին մեծ լինի և նրա մէջ շատ պաշտօնեաներ աշխատեն, որպէս զի գործը արագութեամբ ընթանայ և մադիկ ստիպւած չը լինեն երկար հերթի սպասելու։

V

ՀԱՒԱՍՍԱՐ ԸՆՏՐՈՂԱԿԱՆ ԻՐԱՒՈՒՆԷՔ

Սօց.-գեմօկրատ կուսակցութիւնը պահանջում է, որ ընտրողական իրաւունքը հաւասար լինի։ Այդ նշանակում է, որ ոչ ոք. ոչ հարուստը, ոչ աղքատը, ոչ ուսեալը, ոչ անգրագէտը, ոչ այրը, ոչ կինը, ոչ ծերը, ոչ երիտասարդը,—ոչ ոք մի անյնից աւելի չը պիտի ունենայ։ Իւրաքանչիւր ընտրողի ձայնը պիտի լինի հաւասար, ունենայ նոյն նշանակութիւնը, ինչ և մի ուրիշ ընտրողի ձայնը։ Մի խօսքով պէտք է լինի մի մարդ—մի անյն։ Մի բանի երկիրներում բոլոր բնակիչներին ձայների իրաւունք չէ տրված, մինչդեռ հարուստներին և ուսեալներին տալիս են աւելորդ ձայներ, նրանց դրամական հարստութեան, հողի քանակութեան և ուսման աստիճանի համաձայն։ Այդ բանը, ի հարկէ, անարդարութիւն է և չը պէտք է

թոյլ տալ, որ այդպէս լինի: Հարստութիւնն ու ուսումը ինքն ըստ ինքեան մեծ ոյժ են մարդու ձեռքին. նրանք միջոցներ են տալիս մի բուռն մարդկանց շահագործել միլիոնաւոր ժողովուրդներ: Միթէ կարելի է համաձայնել, որ շահագործութիւնից դուրս էլ հարստութիւնն ու ուսումը առանձին արտօնութիւններ տային մարդկանց, սահմանադրական խնդիրներին ու պետական գործերին մասնակցութիւն ունենալու համար:

Ընդհանուր ընտրողական իրաւունքի մասին խօսելիս, մենք արդէն ցոյց տուեցինք, թէ ինչպէս շահագործողները, չը համարձակելով ժողովրդին բացարձակ կերպով զրկել ընտրողական իրաւունքից, հազար ու մի տեսակ ծուռ ճանապարհներ են գտնում նոյն բանը անուղղակի կերպով անելու: Նոյնը կատարվում է և «հաւասար» ընտրողական իրաւունքի վերաբերեալ: Կարելի է, որ օրէնքի մէջ ոչ մի խօսքով չիշված չէ, թէ ժողովրդին անհաւասար իրաւունք է տրվում. կարելի է ոչ մի խօսքով ասված չէ, թէ հարուստներին առանձին արտօնութիւններ են տրվում, մինչդեռ արտօնութիւնները չորս կողմից թափվում են նրանց գլխին: Քննենք այդ կարգի մի բանի դէպքեր, միայն թէ նորից ասում ենք, որ ամեն բան չէ կարելի առաջուց նախատեսել:

Օրէնքում, օրինակի համար, յաճախ ասում են, որ ընտրութիւնները պէտք է կատարվեն ընդհանուր բուէարկութեամբ և ամեն մի ընտրող պէտք է ունենայ մի ձայն, սակայն իւրաքանչիւր դասակարգ պէ՛տ է առանձին բնօրէ իւր ներկայացուիցիչներն: Այդ եղանակով հաւասար ընտրողական իրաւունքից հետքն էլ չէ մնում: Վերջինք, օրինակի համար, Ռուսաստանի զեմստվոնները: Զեմստվոի համար գիւղացի զասակարգը առանձին է ընտրում իր ներկայացուցիչներին, իսկ մասնաւոր հողատէրերը, այսինքն՝ ազնւականները առանձին: Եւ ի՞նչ էք կարծում. զեմստվոների 9523

Նեկայացուցիչներին 5433-ը, այսինքն՝ կէսից աւելին ազնւականների ներկայացուցիչներ են լինում, իսկ մնացած 4090-ը միայն գիւղացիների նեկայացուցիչներն Այդ հաշուով պէտք է ենթադրել, որ Ռուսաստանում ազնւականների թիւը շատ աւելի մեծ է, քան գիւղացիներինը, մինչդեռ այդպիսի բան բոլորովին չը կայ և չէ էլ կարող լինել: Ընդհակառակը Ռուսաստանում գիւղացիների թիւը ազնւականներից մի քանի հարիւր անգամ աւելի մեծ է, բայց նրանք, ինչպէս տեսնում էք, շատ աւելի քիչ ներկայացուցիչներ են ընտրում: Միշտ էլ հէնց այդպէս է լինում, երբ դասակարգերը առանձին-առանձին են ընտրութիւնները կատարում և երբ նախօրօք որոշված է լինում, թէ իւրաքանչիւր դասակարգից քանի ներկայացուցիչներ պէտք է ընտրվեն: Այդպիսի օրէնքն էլ հէնց նրա համար են յօրինում, որպէս զի «բարձր» դասակարգերին, մի բուռը մարդկանց, աւելի շատ ընտրողական իրաւունքներ տրվի, քան բազմամիլիոն աշխատաւոր ժողովրդին: Հետևապէս, դասակարգերի առանձին ընտրութիւններ կատարելու դէպքում խօսք էլ չէ կարող լինել բուհների հաւասար իրաւունքի մասին: Ուրեմն, իսրեբայ և դաւաճան է այն մարդը, ով յայտարարում է, թէ ամբողջ ժողովրդին քաղաքական ազատութիւն է հարկաւոր, բայց միևնոյն ժամանակ աշխատում է, որ դասակարգերը առանձին-առանձին ընտրեն իրանց ներկայացուցիչներին:

Մի ուրիշ զայրացուցիչ միջոց էլ կայ ընտրողական իրաւունքի հաւասարութիւնը խախտելու համար: Իս ժողովրդական ներկայացուցիչների երկու պալատուննալու սխտէմն է: Այդ կարգի պալատները յաճախ անտւանում են՝ ներքին և վերին պալատներ: Ներքին պալատի համար եթէ նոյն իսկ ներկայացուցիչներ ընտրում է ամբողջ ժողովուրդը, բայց վերին պալատի համար առհասարակ ընտրում են միայն ունեւոր դա-

սակարգերը—ազնւականները, վաճառականները, հոգևորականութիւնը: Ամեն մի օրէնք պէտք է ընդունված լինի անպատճառ երկու պալատների կողմից էլ: Այդ դրութեամբ ընտրողական իրաւունքի հաւասարութիւնը բոլորովին ոչնչանում է, որովհետև ունեորդասակարգերին պատկանողներից իւրաքանչիւրը երկու ձայն է ունենում—մի ձայն ներքին պալատում քուէարկելու համար, իսկ մի ձայն էլ վերին պալատում. այն ինչ հասարակ մահկանացուն ընդամենը մի ձայն է ունենում: Այդ էլ դեռ բաւական չէ. ունեորդասակարգերի ձայները երկու պալատներում շատ աւելի նշանակութիւն ու կշիռ են ունենում, քան չունեորդ քաղաքացիների ձայները: Եւ յիշուի, եթէ ամեն մի որոշում օրէնք է դառնում երկու պալատներում քուէարկելուց յետոյ, մի բուն ունեորդասակարգերից ընտրված վերին պալատը միշտ կարող է արգելել հրատարակելու այն բոլոր օրէնքները, որ իրան հաճելի չեն. թէև այդ օրէնքը քուէարկել և ընդունել են ամբողջ ժողովրդից ընտրված ներքին պալատում: Այդպիսով հարուշտների մի փոքրիկ խումբ հնարաւորութիւն է ստանում խեղդելու ամբողջ ժողովրդի կամքը: Ահա թէ ինչ է նշանակում երկու պալատ ունենալ: Հետևապես, ով որ երկպալատեան ժողովրդական ներկայացուցչութեան կողմնակից է, նա ցանկանում է ժողովրդին իրաւազուրկ թողնել և նրան ունեորդասակարգերի ներկայացուցիչների իշխանութեանը յանձնել: Երբէք չը պէտք է մոռանալ. երկու պալատ ունեցած ժամանակ բոլոր քաղաքացիների հաւասարութեան մասին խօսք չէ կարող լինել: Մի եւ ինքնիշխան ժողովրդային ներկայացուցչութիւն—ահա թէ ինչ է հարկաւոր ժողովրդին: Ոչ մի մարդ և ոչ մի հիմնարկութիւն չը պէտք է իրաւունք ունենայ մի բոլոր անգամ կանգնեցնել գործադրութեան մէջ մտցնելու այն բոլոր



օրէնքները, որոնք ընդունված կը լինեն ժողովրդից  
ընտրված պալատում:

Քննենք հիմա այն մի բանի, առաջին հայեացքից՝  
աննկատելի ֆօկուսները, որոնց միջոցով աշխատում են  
ընտրողական իրաւունքի հաւասարութիւնը զրօյի հաւա-  
սարեցնել: Ահաւասիկ, օրինակի համար, այն օրէնքը,  
որով ընտրողական իրաւունք է տրվում, այսպէս կոչ-  
ված, իրաւաբանական անձերին, այսինքն այն բոլոր  
ընկերութիւններին, որոնք կառավարութեան կողմից  
հաստատված կանօնադրութիւններ ունեն և մի օր և է  
կարողութեան աէր են: Առաջին հայեացքից այդտեղ  
ոչ մի առաձին վատ բան չը կայ: Ի՞նչ փաստ սնի,  
օրինակի հիմար, եթէ մի օր և է Մարօզովի մանու-  
ֆակտուրան կամ Կասպեան նաւթարդիւնարերական  
գոյծարանը և կամ մի օր և է այլ ակցիօներական  
ընկերութիւն ընտրութիւնների ժամանակ բուէի իրա-  
ւունք ունենան: Բայց խկապէս դա այն է նշանակում,  
որ հարուստ մարդիկ, որոնք շատ զանազան արդիւնա-  
բերական ձեռնարկութիւնների մէջ կապիտալներ են  
դրել, ոչ թէ մի ձայն կուսնան, ինչպէս բանւորներն  
ու գիւղացիները, այլ երկու. երեք և նոյն խկ աւելի:  
Մի օր և է Փիլիպոսեան մի անգամ քուէ կը տայ  
իրրև պարզ քաղաքացի, միւս անգամ—իրրև ներկայա-  
ցուցիչ մի օր և է մանուֆակտուրայի, երրորդ անգամ  
—իրրև ներկայացուցիչ հանքային գործերի, չորրորդ  
անգամ—երկաթագործական գաւօղի և այլն և այլն:  
Այլ ևս ի՞նչ հաւասարութիւն մնաց:

Հաւասարութիւնը խախտելու մի միջոց էլ կայ.  
ամեն մի ընտրողի իրաւունք է տրվում քուէարկել  
այն բոլոր ընտրողական շրջաններում, որտեղ նա  
անշարժ կալուածներ ունի: Եւ այդ օրէնքը այն հետե-  
ւանքն է սնենում, որ կալուածատէրերը, որոնք մի  
բանի տեղերում կալուածներ ունեն, և վաճառական-  
ները, որոնք մի քանի զանազան տեղերում աւետարա-



կան տներ կամ դործարաններ ունեն, մի քանի քուէի իրաւունք են ստանում և մի քանի շրջաններում են քուէարկում: Անա թէ ինչու պէտք է պահանջել, որ իւրաքանչիւր մարդ միայն մի անգամ եւ մի քննողական օրջամում միայն քուէարկէ: Քուէարկողը կարող է ընտրութիւններին մասնակցել այն շրջանում, ուր որ ինքը կը ցանկանայ. բայց մի անգամ քուէարկելուց յետոյ այլ եւ իրաւունք չունի օւրիշ տեղ էլ քուէարկելու: Այդ մասին լաւ պիտի հսկել, որպէս զի զեղծումներ չը պատահեն:

Ինչպէս քանիցս անգամ ասել ենք, անհնարին է նախատեսել ու թւել այն բոլոր կեղծիքները, որ կարելի է հնարել ընտրողական իրաւունքի հաւասարութիւնը սչնչացնելու համար: Բայց անհրաժեշտ է մի խորամանկութեան վրա էլ կանգ առնել մանրամասնօրէն, որովհետեւ նա յաճախ է գործ ածվում և նրա շնորհիւ, օրինակի համար, գերմանական բանւորները շատ են սուժում:

Օրէնքով Գերմանիայում գոյութիւն ունի ընդհանուր, հաւասար, ուղղակի և գաղտնի ընտրողական իրաւունք: Կարծես թէ զբանից էլ լաւ բան չէր կարող ժողովուրդը ցանկանալ: Սակայն նայինք գերմանական պարլամենտում—Բէյխտագում եղած պատգամաւորների թւին: Օրինակի համար, վերջին ընտրութիւնների ժամանակ բանւորական դասակարգի կուսակցութիւնից — սօցիալ-դամկավարներից ընտրված են 81 պատգամաւորներ, իսկ կենտրոնի կուսակցութիւնից՝ կաթողիկական բահանաներից—100 պատգամաւորներ: Ով որ գիտէ, թէ Գերմանիայում գոյութիւն ունի ընդհանուր և հաւասար ընտրողական իրաւունք, իսկոյն պէտք է կարծէ, թէ ուրեմն սօցիալ-դամկավարներին ձայն տուողները ասելի քիչ են, բան թէ տէրակներին: Եւ ի հարկէ մարդ պէտք է զարմանայ. ապա ի՞նչպէս են ասում, թէ Գերմանիայում բանւոր դասա-

կարգը համարեա ամբողջապէս սօց.-առավարներից է կազմված, մինչդեռ մի որ և է տէրտէրական կուսակցութիւն աւելի մեծ յաջողութիւն ունի ժողովրդի մէջ, քան սօց.-առավարները: Նայենք սակայն, ոչ թէ ընտրված պատգամաւորների թիւն, այլ այդ պատգամաւորների համար տուած քուէների թիւն: Այստեղ պատկերը բոլորովին փոխվում է. դուրս է գալիս որ սօց.-առավարներին տուած ձայների թիւը 3,025,000 է, իսկ կենտրոնին տուած ձայների թիւը ընդամենը 1,856,000: Հետևապէս սօց.-առավարներին շատ աւելի մեծ թւով ձայներ են տուել, քան թէ տէրտէրներին, մինչդեռ Րէյխստագում սօց.-առավարներկայացուցիչները աւելի քիչուր են: Միջին թւով ամեն մի սօց.-առավար պատգամաւոր ընտրված է 37,345 ձայնով, իսկ ամեն մի կենտրոնի պատգամաւոր — ընդամենը 18, 560 ձայնով, կամ ուրիշ խօսքով ասած՝ բանւորներին հարկաւոր էր հաւաքել 37, 345 ձայն, որպէսզի կարողանան իրանց մի պատգամաւորը ուղարկել պարլամենտ, իսկ կաթոլիկ տէրտէրների կողմնակիցներին հարկաւոր էր հաւաքել 2 (երկու) անգամ աւելի քիչ 18,560 ձայն: Երկու գիտակից բանւորների ձայները, կը նշանակէ, ընտրութիւնների ժամանակ նոյն նշանակութիւնն ունէին, ինչ որ մի թոյլ գիտակցութեան տէր մարդու ձայնը, որ հաւատարիմ է մնացել կաթոլիկական եկեղեցուն:

Եթէ ընտրողական իրաւունքը իրապէս հաւասար լինէր, այն ժամանակ բանւորները կը կարողանային պարլամենտ ուղարկել ոչ թէ 81, այլ 162 սօց.-առավար պատգամաւորներ: Ուրեմն, ընտրողական իրաւունքը իրապէս, և ոչ թէ թղթի վրա, անհաւասար է, անհաւասար ի վնաս գիտակից բանւորների, որոնց ձայնը բոլոր միւս մնացած բնակիչների ձայներից 2 անգամ պակաս ոյժ է ստանում: Արդ, ինչպէս ուրեմն

այսպէս եղաւ, քանի որ օրէնքը ընդհանուր և հաւասար ընտրողական իրաւունք է յայտարարում:

Այդ եղաւ շատ հասարակ կերպով. շնորհիւ այն կառավարչական ֆօկուսի, որ գերմանական մինիստր Բիսմարկը անուանում էր «ընտրողական աշխարհագրութիւն»: Ահա թէ ինչու մն է կայանում այդ խարդախ «աշխարհագրութիւնը». ամբողջ երկիրը բաժանվում է ընտրողական շրջաններով: Սակայն, որինակի համար, այն ընտրողական շրջանները, որտեղ կան գործարաններ և գաւօղներ բազմամարդ բանուոր բնակչութեամբ, շատ աւելի մեծ մասերի են բաժանվում իրանց մէջ ապրող ընտրողների քանակով, այն ինչ այն շրջանները, որտեղ ապրում է խաւար, ճնշված և պապկնական նախապաշարումներով տոգորված գիւղական ժողովուրդը, շատ փոքր մասերի են բաժանվում: Եւ այդպէս անհաւասար բաժանված ընտրողական շրջաններից իւրաքանչիւր պարտաւոր է մի հաս պահապանութիւն: Այդպիսով ահա, քաղաքային, բանուորական շրջանները միշտ զրկված են մնում գիւղական շրջանների համեմատութեամբ: Պէտք է նկատի առնել և այն, որ քաղաքային արդիւնագործոթեան աճման շնորհիւ, քաղաքների բնակչութիւնը արագութեամբ խտանում է, իսկ գիւղերինը նօսրանում: Այս էլ ասելու է որ գիւղերից քաղաք են տեղափոխվում ամենաաղքատ տարրերը, իսկ մնում են աւելի ապահոված գիւղացիք, որոնք դուրսը վատտակ փնտռելու կարիք չունեն: Բայց ո՞վ չը գիտէ, որ ունևոր գիւղացիք միշտ աւելի պահպանողականներ են: Եւ ահա այսպիսով, ժամանակի ընթացքում քաղաքային ընտրողական շրջաններում բնակիչների թիւը շարունակ աւելանում է, այն ինչ գիւղականը նուազում է, մինչդեռ այդ երկու ընտրողական շրջաններն էլ շարունակում են առաջվայ նման մի մի պատգամաւորներ ընտրել: Քաղաքներ գնացող աղքատ ժողովրդի ընտրողական իրաւունքը հետզհետէ

շարունակ նուազում է, իսկ իրանց հողերի վրա ամուր նստած հարուստ գիւղացիների ընտրողական իրաւունքը աւելանում է: Ուրեմն՝ իրապէս ընտրողական իրաւունքի հաւասարութիւն գոյութիւն չունի:

Բայց դրանով չէ վերջանում «ընտրողական աշխարհագրութեան» խարդախութիւնը: Բիսմարկը մի ուրիշ միջոց էլ գտաւ բանւորների ընտրողական իրաւունքը ծաղրելու համար: Ուր որ հնարաւոր էր, նա աշխատեց փոքրիկ արդիւնագործական վայրերը խժկել այնպիսի ընտրողական շրջանների մէջ, որոնց բընակիչները համարեա թէ ամբողջապէս գիւղացիներ են: Նա աշխատում էր ամբողջ երկիրը այնպիսի ընտրողական շրջանների բաժանել, որ նրանց մէջ, հնարաւոր եղածի չափ, բանւորական, գոծարանական ժողովուրդը փոքրամասնութիւն կազմէ: Երբեմն, օրինակի համար, մի որ եւէ քաղաքի մի ամբողջ գործարանական թաղ մտցնում էր ոչ թէ քաղաքային ընտրողական շրջանի մէջ, այլ մերձակայ գիւղական շրջանի մէջ: Յաճախ այսպիսի պատկեր էր ստացվում. մի ընտրողական շրջանում, օրինակի համար, 30,000 բնտողներ կան, որոնցից գործարանական բանւորների թիւը ընդամենը 10,000 է: Ուրեմն, ինչպէս էլ քուէարկեն բանւորները, եթէ միւս 20,000-ը բանւորների թեկնածուին բուէ չը տան, բանւորների քուէները ի դուր կը կորչեն, որովհետեւ նրանք միշտ փոքրամասնութիւն կը մնան: Այդպիսի շատ ընտրողական շրջաններ ստեղծելով, Բիսմարկը բանւորներից շատ շատերին զրկեց քուէի իրաւունքից: Եթէ ընտրողական շջքանները այլ կերպ չափաված ու ձեւաված լինէին, այն ժամանակ այն բոլոր բանւորները, որ այսօր երկու տարրեր շրջաններում քուէարկելով փոքրամասնութեան մէջ են մնում, բոլորն էլ միասին միեւնոյն շրջանում կը կարողանային իրանց թեկնածուին անցկացնել:

### ՈՒՂԱԿԻ ԸՆՏՐՈՂԱԿԱՆ ԻՐԱՒՈՒՆՔ

Նախորդ գլուխներում մենք պարզեցինք, թէ ինչ է նշանակում ընդհանուր և հասարակ ընտրողական իրաւունքը. այժմ մենք պէտք է խօսենք ընտրողական իրաւունքի ուղղակի ձևի մասին, որ նոյնպէս սօց. - դեմ, կուսակցութեան լօզունգն է դարձել:

Ընտրողական իրաւունքի ուղղակի ձևը այն է. որ քաղաքացիները պատգամաւորներին ընտրում են ուղղակի այն ներկայացուցչական հիմնարկութեան համար, որը օրէնքներ հրատարակալու լիազօր իրաւունք ունի: Իսկ երբ քաղաքացիներին իրաւունք է տրվում միայն նախ ընտրողներ կամ լիազօրներ ընտրել և ապա այս լիազօրներն է, որ ընտրում են իսկական պատգամաւորներին, այդ ժամանակ ընտրողական ձևը դառնում է անուղղակի, երկաստիճան:

Ճիշդ այդ ձևով են Ռուսաստանում կատարվում ընտրութիւնները Պետական Դումայի համար: Կասկած չը կայ, որ անուղղակի ընտրութիւնների ձևը ահազին փնաս է հասցնում գլխաւորապէս աշխատաւոր ժողովրդին: Հէնց նրա համար էլ հնարել են ընտրողական իրաւունք ունեցող քաղաքացիներին մի շարք մաղերի միջից անցկացնելու եղանակը, որպէս զի թոյլ չը տան ժողովրդի խեղճ դասակարգից ընտրվածներին պարլամենտ մտնել:

Եւ յիշուի, լիազօրները պէտք է ամբողջ ընտրողական շրջանից մի առանձին տեղ հաւաքվեն, վերջնական ընտրութիւններ կատարելու համար: Ազրատ մարդուն միշտ զժուար է կանխաւ իր ժամանակը դասաւորել. քեզ լիազօր կընտրեն, իսկ յետոյ՝ համեցէք՝ ընտրողական ժողովի գնալ այնպիսի մի ժամանակ, երբ ճիշտ



աշխատելու օրեր կը լինեն կամ թէ անկարելի կը լինի տունը թողնել հեռանալ: Այդ պատճառով էլ աշխատաւոր ժողովուրդը, թէ քաղաքային և թէ դիւղական, պէտք է միշտ աշխատէ լիազօրների մէջ չընկնել և, այդպիսով, ընտրողների մեծ մասը ունեւոր մարդկանցից կը լինի կազմված, ընտրութիւններն էլ ուրեմն ամբողջապէս հարուստների ձեռքը կընկնեն:

Այդ դեռ բաւական չէ: Ամեն շրջանում ընտրողների թիւը շատ մեծ է. սովորաբար լինում է 25—30 հազար, երբեմն էլ աւելի: Ոչ մի կառավարութիւն և ոչ մի հարուստ չէ կարող հաճոյանալ բոլոր ընտրողներին, կաշառել նրանց և կամ որեւէ այլ միջոցներով ստիպել, որ բոլորն էլ քուէ տան կառավարութեան կամ հարուստների թեկնածուին: Բայց խնդիրը բոլորովին փոխվում է, երբ ընտրութիւնները կախված են մի որեւէ 200—400 լիազօր-ընտրողներից: Այդ դէպքում կարելի է նրանցից իւրաքանչիւրի վրա ազդել. տէր-տէրին լաւ ծուխ կը խոստանան, կալուածատիրոջը՝ ձեռնտու պայմաններով փոխառութիւն, վաճառականին՝ կառավարչական կապալ, հարուստ գիւղացուն՝ իր աղքատ զբայցիներից պարտքերը կեղեքելու համար ստիկանական օգնութիւն, իսկ անգիտակից բանւորին էլ, եթէ մի այդպիսին սպրդել է լիազօրների մէջ, մի տարուկ պաշտօն: Այդպիսով, մէկ էլ տեսար, լիազօրների կէտից աւելին մեղրտովել է և ուրեմն, փոխանակ իրանց ազատ խզով ընտրութիւն կատարելու, ընտրում են մատնանիշ արված «յարմար» մարդուն: Ի՞նչ կարող ես անել. փոքր ու մտերիմ ընկերութեան մէջ մարդիկ միշտ իրարու խաթր պահում են:

Այդ պատճառով էլ, ամեն տեղ, ուր գոյութիւն ունեն երկաստիճան անուղղակի ընտրութիւններ, բանւորներին համարեալ թէ անկարելի է լինում իրանց թեկնածուներին անցկացնել պատգամաւորական ժողով: Վերցնենք հէնց նոյն Գերմանիան: Մենք արդէն

տեսանք, որ այնտեղ սօցիալ սոսկավարձներին տուել են աւելի քան 3 միլիօն ձայն և որ, չը նայելով ընտրողական իրաւունքի անահասարութեանը, նրանք պարլամենտ (բէլխստագ) ուղարկում են 81 պատգամաւոր: Բայց Գերմանիան բաժանվում է առանձին պետութիւն—նահանգների: Այդ նահանգների գործերը վարելու համար էլ գոյութիւն ունեն ընտրողական առանձին հիմնարկութիւններ, որ կոչվում են Լանդտագ: Պրուսիայում Լանդտագի ընտրութիւնները կատարվում են երկաստիճան եղանակով, և ահա նախանցեալ տարի գերմանական բանորները չը կարողացան Լանդտագի համար և ոչ մի մարդ իրանց թեկնածուներից ընտրել: Նրանք շատ լիազօրներ ընտրեցին, բայց ընտրողական սխտեմը այնպէս խորամանկ ձևով է կազմած, որ նրանց լիազօրները ամեն տեղ փոքրամասութեան մէջ էին մնում:

Ահա թէ ինչպիսի մեծ նշանակութիւն ունի բանւորների համար ուղղակի ձայնատուութեան իրաւունքը: Չը պէտք է բոլորովին ենթարկվել այն բոլոր ասէ-կօսէներին թէ իրը Ռուսաստանի ընդարձակ և բազմամարդ լինելու պատճառով, ուղղակի ընտրողական իրաւունքը «անյարմար» է, թէ իրը, պատգամաւորների շատութեան պատճառով, դժուար է ընտրութիւնները կատարել, թէ իրը երկաստիճան ընտրութիւնները օգտակար են այն տեսակէտով, որ նրանք կարող են կատարվել «հանգիստ» կերպով, «մտածված», առանց կրքերի ազդեցութեան և այլն, և այլն: Այդ բոլոր առարկութիւնները ոչինչ բաներ են և այն էլ կեղծաւոր առարկութիւններ: Երկաստիճան ընտրութիւնների կողմնակիցները Եւրօպայի օրինակից շատ լաւ գիտեն, որ անուղղակի ընտրութիւնները բոլորովին ժողովրդային ընտրութիւններ չեն, որ երկաստիճան ընտրողական եղանակը գրկում է աշխատաւորներին ընտրողական իրաւունքից: Հէնց դրա համար էլ

նրանք երկաստիճան ընտրութեան ձևն են քարոզում, սակայն, որպէսզի կարողանան ժողովրդին լաւ մոլորեցնել, նրանք վերոյիշեալ «անյարմարութիւններն» են մէջ բերում:

Ընդհանուր և նոյն իսկ հաւասար ընտրողական իրաւունքի մասին խօսողին բանւորները պէտք է գետնի վաւ շօշափեն, թէ արդեօք ընտրութիւնների ուղղակի ձևի մասին նա ի՞նչ է մտածում: Եւ եթէ այդպիսի մէկը կը սկսի խէթ աչքով նայել ու խուսափողական պատասխան տալ, թէ իբր «այդ ինքն ըստ ինքեան հասկանալի է» կամ «այդ մասին յետոյ կը տեսնենք», «դա երկրորդական խնդիր է» և այլն, և այլն, այդ պարագայում լաւ իմացէք, որ դա մի խարդախ է, որի բերանը չը պէտք է մատղ զննու:

## VI

### ՔՈՒԷԱՐԿՈՒԹԵԱՆ ԳԱՂՏՆԻ ԵՂԱՆԱԿԸ

Քրք խօսք է լինում ընտրողական իրաւունքի մասին, միշտ ասում են, որ այդ իրաւունքը պէտք է լինի ընդհանուր, հաւասար, ուղղակի և գաղտնի: Առաջին երեք ձևերը մենք արդէն բացատրեցինք, այժմ գրադվենք չորրորդ ձևով, այն է թէ՛ ի՞նչ է նշանակում գաղտնի բուէարկութիւն:

Այդ նշանակում է, որ ոչ ոք չը պէտք է իմանայ, թէ քուէարկողը ո՞ւմն է տալիս իր ձայնը: Այդ բանը անհրաժեշտ է նրա համար, որ ընտրողները ազատ կերպով կարողանան ընտրել այնպիսի պատգամաւորներ, որոնց իրանք են իսկապէս ցանկանում: Երբ քուէարկութիւնը գաղտնի չէ, ազատութիւն երբէք չէ լինում, որովհետև քուէարկողները միշտ վախենում են իրանց մեծերից. աղքատ գիւղացին հողատէր ազնւականի վրէժխնդրութիւնից

է վախենում, բանւորը վախենում է գործից զրկվել, գործակատարը իր տեղից, չինօֆնիկը պաշտօնից և այլն, և այլն, այնպէս որ վերջի վերջոյ ընտրողները քուէարկում են ոչ թէ այնպէս, ինչպէս իրանց խիղճն է թելադրում, այլ ինչպէս որ նրանց թելադրում են վարչութիւնը և կամ իրանց ազանները:

Կան մարդիկ, որոնք կեղծ ժողովութիւն են յայտնում գաղտնի քուէարկութեան դէմ, խրոխտաբար ասելով, թէ՛ ամեն ոք քաջութիւն պիտի ունենայ իր համոզումները բացարձակաբար արտայայտելու: Գրանք, ի հարկէ, շատ դեղեցիկ խօսքեր են, բայց և այնպէս ոչ մի արժէք չունեն: Պէտք է չը մոռանալ երբէք, որ միլիօնաւոր մարդիկ ապրում են սոսկալի աղքատութեան, խաւարի և ստրկութեան մէջ. իրանց ողորմելի օրապահօրկից զրկվելու սպառնալիքը, գործատէրերից ու վարչական մարմիններից կախումն ունենալը չափազանց մեծ է, որպէսզի նրանք համարձակութիւն ունենան իրանց «համոզումները բացարձակաբար արտայայտելու»: Ամենից առաջ անհրաժեշտ է ժողովրդի մէջ քաղաքացիական քաջութիւն մշակել, հարկաւոր է որ մարդիկ սովորեն քաղաքացիներ զգալ իրանց: Իսկ զահէշտ բան չէ: Առայժմ այդպիսի քաղաքացիական քաջութիւն ունեցողների թիւը շատ սակաւ է, ուստի, բացարձակ քուէարկութիւն պահանջելով, ոչ թէ ժողովրդի մէջ քաղաքացիական քաջութիւն չի մշակվի, այլ ընդհակառակը նրա խիղճը կանրարոյականացնվի, որովհետև ժողովրդի մեծ մասը ստիպված պէտք է լինի հակառակ իր խղճի ու կամքի քուէարկելու: Իսկ այդ ձևով, այսօրինքն՝ վարչութեան և ազանների թելադրութեամբ ընտրված պատգամաւորները այնպիսի օրէնքներ կը մշակեն, որոնք աւելի ևս արգելք կը դառնան ժողովրդի ընդհանրութեան գիտակցութեանը և քաղաքացիական զգացումները զարգացնելուն, որովհետև իշխանաւորներն ու հարուստները շատ լաւ գիտեն, որ եթէ

ժողովուրդը դարգանայ ու ըմբռնէ իր գասակարգային շահերը, նրանց տիրապետութեանն ու գերիշխանութեանը շատ շուտով վերջ կը դրվի:

Վերջապէս ուրիշներին քաղաքացիական քաջութեան քարոզներ խօսողներին ու խրոխտացողներին կարելի է սսել. եթէ ձեր ճատերը անկեղծ են, բարեհաճեցէք քաջութեան և ազատութեան օրինակ ցոյց տալ: Ապացուցէք, որ դուք երբէք չէք ծովել ուժեղի ու հարուստի առաջ, որ դուք միշտ համարձակ ու անվախ կերպով բողոքել էք, երբ ձեր աչքի առաջ անարդարութիւն է գործադրվել: Ասացէք, թէ դուք վատ կը վերարեբվէք այն գործարանատիրոջը, որը գործից կը զրկէ ազատ կերպով քուէարկող բանուորին, թէ դուք այդպիսի գործարանատիրոջը ձեռք չէք մեկնի, երես կը դարձնէք նրանից, անագնի: մարդ կը յայտարարէք նրան, ձեր շրջանից դուրս կը վաճակէք: Դիչ չէ այնպիսի բանուորների կամ ծառայողների թիւը, որոնք իւրաքանչիւր օր թշուառութեան են մատնվում իրանց համարձակ, ազատ խօսքի, տէրերին անհաճոյ վարժունքների համար, սակայն գեռ չէ տեսնված, որ գէթ մի մարդ այդպիսի տէրերին, որոնք, օգտվելով իրանց զիրքերից, ճնշում են բանեցնում իրանց ենթակաների խղճի վրա, անարգէր և թոյլ չը տար պատուաւոր հասարակութեան մէջ մանելու նրանց: Եւ քանի որ այդպիսի բաներ չը կան, ուրեմն կեղծաւորութիւն է խեղճ ժողովրդին այնպիսի «քաջութեան» քարոզներ խօսելը, որից հէնց իրանք քարոզողները շատ զուրկ են: Չէ կարելի սսել, թէ այդ կարգի քարոզները միայն տգիտութեան հետեանք են. շատ անգամ դրանց տակ նենդամիտ ձգտումներ են թագնված, այն է՝ աշխատաւոր ժողովրդի քուէարկութիւնը ենթարկել գործատէրերի և կառավարութեան հսկողութեանը, որպէս զի նրանք չը կարողանան ազատ կերպով ընտրութիւններ կատարել: Արտասահմանում



քիչ չեն այնպիսի օրինակն եր, երբ գործարանատէրերը բանւորներին քուէարկութիւնների են ուղարկում իրանց վերակացուի ղեկավարութեամբ: Եւ վայ այն բանւորին որ կը համարձակվի քուէարկել ոչ այնպէս, ինչպէս որ հաճելի է գործարանատիրոջը: Այդպիսի համարձակներին ասում են. «ազնութիւնը լաւ բան է, բայց և այնպէս հէնց վաղը արի հաշիւդ ստացիր:»

Ամեն կերպ պէտք է պահանջել, որ քուէարկութիւնը գաղտնի լինի: Այդպիսով միայն ժողովուրդը հնարաւորութիւն կունենայ չը ծոմնել իր խիղճը: Ընտրել իր ուղած մարդուն և պաշտպանել իր շահերը:

Բայց ինչպէս անելու է, որ քուէարկութիւնը իրապէս գաղտնի լինի:

Մենք արդէն խօսել ենք, թէ ինչ եղանակներով են ընդհանրապէս ընտրութիւնները կատարվում. ընտրողական տոմսակի վրա նշանակվում է այն թեկնածուի անունը, որին ընտրողը կամենում է քուէ տալ: և ապա այդ տոմսակը նա դցում է քուէտուփի մէջ ընտրողական բիւրօի ներկայութեամբ:

Բայց ահա թէ այս գէպքում ինչպիսի հարց է առաջանում: Ընտրողական տոմսակի վրա թեկնածուի անունը նշանակելու համար չէ որ գոնէ պէտք է կարգալ իմանալ, մինչդեռ շնորհիւ միապետական կարգերի, Ռուսաստանի ժողովրդի կէսից աւելին անգրագէտ է: Ինչպէս պէտք է վարվեն ուրեմն անգրագէտները: Եթէ թոյլ տալ, որ անգրագէտի տեղ մի ուրիշը գրէ, այն ժամանակ քուէարկութեան գաղտնիքը երևան կը գայ, իսկ եթէ թոյլ չը տալ, նրանք չեն կարողանայ քուէարկել և այդպիսով ժողովրդի կէսից աւելին կը զրկվի քուէարկելու իրաւունքից:

Դրա համար, սակայն, ելք կայ և մի շատ հասարակ ելք: Հարկաւոր է որ ամեն մի թեկնածուի ներկայացնող կուսակցութիւն իրաւունք ունենայ իր ընտրողական տոմսակները ազագրել, և որ իւրաքանչիւր

կուսակցութեան տոմսակները մի առանձին և յատուկ գոյնի լինեն: Որչափ կուսակցութիւններ կամ թեկնածուներ կան, այնչափ էլ բազմագոյն տոմսակներ կը լինեն. կարմիր, կապոյտ, կանաչ, դեղին, սպիտակ և այլն: Եւ ոչ մի կուսակցութիւն իրաւունք չը պէտք է ունենայ մի այլ կուսակցութեան ընտրած գոյնը գործածել:

Նախօրօք բոլորն էլ պէտք է իմանան, թէ զոր գոյնը ինչ թեկնածու է նշանակուած: Այդ ժամանակ անգրագէտն էլ կարող է առանց ուրիշի օգնութեան քուէարկել, բաւական է միայն, որ նա գիտենայ, թէ զոր գոյնը՝ որ կուսակցութեանն է վերաբերում: Ի հարկէ, իւրաքանչիւր ընտրողին պէտք է տրվի ամեն գոյնի տոմսակներից էլ, իսկ թէ նա սը գոյնի տոմսակով կօզտվի, այդ իր գաղտնիքն է. այդ մասին ոչ ոք չը պէտք է իմանայ:

Այստեղ դարձեալ մի նոր հարց է առաջ գալիս. չէ՞ որ մենք ասացինք, թէ ընտրողական տոմսակը քուէտուփի մէջ պիտի գցել բիւրօի աչքի առաջ, որպէսզի միեւնոյն ժարդը չը կարողանայ միաժամանակ մի քանի տոմսակ գցել: Ուրեմն, եթէ տոմսակները տարբեր գոյների են, բիւրօն իսկոյն կը նկատի, թէ ընտրողը ինչ գոյնի տոմսակ է գցում և, հետևապէս, կ'իմանայ, թէ նա ո՞ւմն է քուէ տալիս: Որպէս զի այդպիսով քուէարուկութեան գաղտնիքը երևան չը գայ, մի շատ սղարդ միջոց է հնարված: Քուէարկելուց առաջ ընտրողը մի առանձին սենեակ է մտնում, ուր նրա արամադրութեան տակ նախօրօք և ձրիարար անթափանցիկ ծրարներ են դրված լինում: Այդ սենեակում ընտրողը, մնալով բոլորովին միայնակ, իր ընտրած գոյնի տոմսակը այդ ծրարներից մէկի մէջ է դնում, փակում է և ապա դուրս է գալիս և ընտրողական բիւրօի աչքի առաջ գցում է քուէտուփի մէջ: Այս եղանակով քուէարկութեան գաղտնիքը կատա-

րելապէս ապահովւած կը լինի և անդրազէտներէ համար: Միևնոյն ժամանակ անհնարին կը լինի մէկից աւելի տոմսակ գցելը, որովհետև ամենքն էլ գիտեն, որ ամեն մի ծրարի մէջ մէկ հատ տոմսակ պիտի լինի միայն:

Այս բոլոր պայմանները լինելով հանդերձ, դարձեալ պէտք է ընտրութիւնների ամբողջ ժամանակ շատ լուրջ կերպով հսկել, որ զանազան կեղծիքներ չը կատարվեն: Ոմարց համար անհաւատալի կը թւեն, որ հարուստները ու գիրք ունեցող մարդիկ ստոր կեղծիքներով ու խարդախութիւններով պարապեն, սակայն եւրօպական երկրներում հազարաւոր անզամ դրանց ակնաններին բռնել են՝ ընտրութիւնների ժամանակ գաղտագողի նայելիս, ականջ դնելիս, ընտրողներին կաշառելիս, հարբեցնելիս և այլն: Այս բոլորը աչքի առաջ ունենալով, ժողովրդի գիտակից տարբերը, նամանաւանդ գիտակից բանւորները իրանց վրա պիտի վերցնեն՝ ժողովրդի թշնամիների կողմից լարված բոլոր դաւերին հսկելու պարտականութիւնը և ականջներն ու աչքերը խիստ սուր պահեն: Հէնց որ մի բան նկատեն, իսկոյն պիտի պահանջեն ընտրողական րիւրօից՝ արձանագրութիւն կազմել, որպէսզի յետոյ հնարաւորութիւն ունենան ապացուցանելու, թէ ընտրութիւնները անկանօն են կատարվել և որ անհրաժեշտ է նոր ընտրութիւն նշանակել:

Ահա և մենք վերջացրինք նկարագրել, թէ ինչպէս պիտի վարվել, որ ընտրողական իրաւունքները իրապէս լինեն «ընդհանուր, հաւասար, ուղղակի և գաղտնի»:

Եթէ բանւորները ցանկանում են իրանց իրաւունքները պաշտպանել, նրանք պէտք է անդիր իմանան այն բոլոր խարդախութիւնները, որ կարող են անել նրանց դէմ ժողովրդի թշնամիները: Եւ ոչ միայն պիտի անդիր իմանալ մեր բոլոր պատմածները, այլ և, ինչպէս ասացինք, և հսկել ընտրութիւններին ամբողջ ժամանակ, որպէս զի ուրիշ նոր բան չը հնարեն:

խարդախութեան մէջ կատարելագործութեան հասած վարպետները: Ճիշտ է, դա մի քիչ դժուար ու սաղտկալի գործ է, բայց վերջը տես թէ սրպիսի ուրախութիւն կը լինի, երբ, քո գիտակցութեան ու աշակրջութեան շնորհիւ, թոյլ չես տայ, որ քո և քո դասակարգի շահերը փաստած լինեն:

## VII

### ԿՐԱԽՈՐԱԿԱՆ ԸՆՏՐՈՂԱԿԱՆ ԻՐԱԽՈՒՆՔ

Սահմանադիր ժողովի համար պատգամաւորներ բնօրէյու վերարերեալ իրաւունքի և եղանակների մասին մենք համարեա թէ բոլորը ասացինք: Այժմ մ'զ մնում է խօսել պատգամաւոր բնօրէյու իրաւունքի մասին, որ մենք անուանում ենք կրաւորական—պատիվ ընտրողական իրաւունք: Յանկանալով այսպէս կամ այնպէս ժողովրդին թոյլ չը տալ իր ցանկացած և իսկական ներկայացուցիչներին ընտրելու, յաճախ աշխատում են սահմանափակել կրաւորական ընտրողական իրաւունքը, այնպէս որ ընտրելու իրաւունք ունեցողներից բոլորն էլ հաւասարապէս միաժամանակ իրաւունք չեն ունենում և ընտրվելու: Պատգամաւորական թեկնածու լինելու համար զանազան կարգի սահմանափակումներ են որոշվում—նիւթական կարողութեան, ուսման աստիճանի, տարիքի և այլն չափերով:

Այդ բոլոր սահմանափակումներն էլ, ի հարկէ, զարձեալ ծածկվում են մի շարք բարեւոյակամ զատողութիւններով, այն է թէ՛ իբր ժողովրդի կողմից ընտրվածները պէտք է որ ջանելներ չը լինեն, փորձված լինեն, ապահով լինեն և այլն և այլն: Իբր թէ այդ դէպքում միայն նրանք կարող են խելացի օրէնքներ մշակել: Այդ կարգի բոլոր զատողութիւնները, բոննցով աշխատում են արդարացնել կրաւորական

ընտրողական իրաւունքի սահմանափակումը— մի բացարձակ խեղաթիւրումն է: Ժողովուրդը երեխայ չէ և նա օրէնքներ մշակելու համար չի ընտրիլ այնպիսի մարդիկ, որոնք անհասկացող և անընդունակ են: Չէ որ նրանց մշակած օրէնքները հէնց նոյն ժողովրդի համար են լինելու: Պարզ է ուրեմն, որ ժողովուրդը, առանց անկոչ խնամակալների էլ, շատ լրջութեամբ և զգուշաւոր կերպով կը վերաբերվի ընտրողական գործին: Այսքանը— ընտրվողների ջանքութեան և ուսեալ լինելու մասին: Իսկ ինչ վերաբերում է հարստութեան աստիճանով ընտրվելու իրաւունքը սահմանափակելուն, այդ մասին, ի հարկէ, խօսք էլ չի կարող լինել: Սահմանադիր ժողովում նստած պատգամաւորների ոչ թէ հարստութիւնն է ժողովրդին պէտքական, այլ նրանց գլուխը: Մինչև իսկ, եթէ կուզէք, աւելի շուտ կուշտն է, որ քաղցածի դրութիւնը չէ կարողանում հասկանալ: Հետևապէս քաղցածները չը պէտք է թոյլ տան, որ ստիպեն իրանց ճակատագիրը կուշտերին յանձնել:

Ուրեմն, պէտք է ժողովուրդը պահանջէ, որ ընտրվելու իրաւունքն էլ ընդհանուր լինի, որ ամեն մի քաղաքացի, այր թէ կին, հարուստ թէ աղքատ, ուսեալ թէ անուս, հայ թէ թուրք, հրէայ թէ ռուս՝ բոլորն էլ իրաւունք ունենան իրանց քաղաքացիների կողմից պատգամաւոր ընտրվելու: Միայն այդ ժամանակ ժողովրդի ընտրութիւնը իսկապէս ազատ կը լինի:

Բայց հեշտ է ասելը. ամեն մարդ իրաւունք ունի ընտրվելու: Կընտրեն, օրինակի համար, բանուորին կամ աղքատ ինտելիգենտին: Ի՞նչպէս նրանք թողնեն իրանց աշխատանքը, որի հասոյթով իրանց ընտանիքին ապրեցնում են, ի՞նչպէս նրանք գնան գուցէ հարաւոր վերստ հեռու մայրաքաղաքը, որտեղ սահմանադիր ժողովը պիտի գումարվի, ի՞նչպէս ապրեն այնտեղ ամբողջ ժամանակ մինչ ժողովի նիստերը կը շարունակվին: Ամենքին յայտնի է, թէ որչափ նեղու-



Թիւններ են կրում այն գիւղացիները, որոնք գիւղական կամ դատարանական գործերով քաղաք են գնում մի բանի օրով: Բայց գիւղացիների դրութիւնը համեմատաբար զեռ լաւ է, որովհետև նրանք զեռ էլի իրանց տնտեսութիւնը ունեն, օրավարձի յոյսով ապրողները չեն: Իսկ երբ մէկը այսօր ապրում է նրանով, ինչ որ վաստակել է երէկ, այդպիսի մարդու համար մի քանի ամսով, սահմանադիր ժողովին մասնակցելու նպատակով, հեռանալ պարզապէս սովամահ լինել է նշանակում:

Այսպէս ուրեմն, եթէ սահմանադիր ժողովում կատարվող աշխատանքը չը վարձատրվի, այն ժամանակ, թէկուզ օրէնքով ամեն մարդ էլ իրաւունք ունենայ պատգամաւոր ընտրվելու, այնուամենայնիւ ժողովուրդը ստիպված պէտք է լինի միմիայն կարողութեան տէր մարդոց ընտրելու, չքաւորները ստիպված կը լինեն հրաժարվել սահմանադիր ժողովում աշխատելուց: Իսկ այդ այն կը նշանակէ, որ բանւորներն ու աղքատ գիւղացիք ստիպված կը լինեն իրանց ուզած մարդու փոխարէն աղաներին ընտրել, այն աղաներին, որոնք իրանց շահերով միանգամայն հակառակ են իրանց ընտրողներին և ուրեմն ամեն կերպ պէտք է աշխատեն մշակվող օրէնքներով նրանց զրկել:

Այդ է պատճառը, որ բոլոր երկրներէ բանւորական կուսակցութիւնները հաւասարապէս պահանջում են, որ պատգամաւորները պետութիւնից ռոնիկ ստանան. այնպիսի ռոնիկ, որ թէ նրանց և թէ նրանց ընտանիքին կատարելապէս ապահովացնէր և միջոց տար նրանց իրանց ամբողջ ոյժերը նուիրելու այն գործին, որի համար նրանք ընտրված են: Միայն լաւ ռոնիկ վճարելու դէպքում ամեն մարդ իրապիս կարող է պատգամաւոր ընտրվել և ոչ թէ միայն թղթի վրա: Եւ հէնց այդ է պատճառը, որ թէ կառավարութիւնները և թէ հարուստները ամեն կերպ աշխատում են՝ թոյլ չը

տալ ժողովրդի ընտրած պատգամաւորներին ուճիկ նը-  
շանակվի: Այդ եզանակով նրանք յոյս ունեն քանուոր-  
ներին պարլամենտ չը թողնել և, զանազան բարերա-  
րութիւններով (պաշտօններ, կապալներ և այլն) և կամ  
ուղղակի կաշառքներով, շարունակ իրանց ձեռքուձը  
պահել այն պատգամաւորներին, որոնք զուրկ են սե-  
փական կարողութիւնից և կարօտ՝ մի որ և է վաս-  
տակի:

Ի հարկէ. այս տնարդի ու շահասիրական հա-  
շիւներն էլ միշտ գեղեցիկ ու ազնիւ խօսքերի քողով  
են ծածկվում: Ասում են, որ իւրաքանչիւր մարդ իր  
համար պատիւ պէտք է համարի ժողովրդին անվճար  
ծառայելը, որ ուճիկ ստանալը ստորացնում է պատ-  
գամաւորին, որ պատգամաւորները պէտք է խնայեն  
ժողովրդի «արիւն քրտինքով վաստակած կօպէկները»,  
ուստի և չը պէտք է վարձ ստանան իրանց աշխատան-  
քի համար և այլն և այլն: Բայց այս բոլոր կեղծաւոր  
առարկութիւններին շատ հեշտ է պատասխանելը. եթէ  
ժողովրդին «ձրի» ծառայելու մասին արտասանած ձեր  
ճառերը անկեղծ են, այն ժամանակ բարեհաճեցէք, պ.  
պ. չինօվնիկներ, հրաժարվել այն հազարաւոր բուրլա-  
նոց ուճիկներից, որ զուք ստանում էք միայն նրա  
համար, որ իբրև տգրուկներ կպիլ էք ժողովրդի վզին:  
Կը բարեհաճէք արդեօք զուք, պարոն գործարանատէ-  
րեր, այլևս չը քամել բանւորների արիւն քրտինքով  
վաստակած կօպէկները, և զուք, պարոն կալուածատէ-  
րեր, չը քերթել այլևս գիւղացիների կաշին: Մի քանի  
անգամ այսպիսի հարցեր տուէք այդ անկոշ բարե-  
բարներին և նրանք իսկոյն իրանց ձայնը կը կտրեն:  
Այդ մարդիկ երբէք «ժողովրդի կօպէկն՝ ըրի» մասին չեն  
մտածում, երբ նրա գրպանից հարիւրաւոր միլիօններ  
են դուրս քաշվում կերակրելու համար այն բազմաթիւ  
չինօվնիկներին, տէրտէրներին, գործարանատէրերին ու  
կալուածատէրերին, որոնք միշտ ժողովրդի աշխատան-

քով են ապրում, բայց նրանք ահագին վայնասուն են բարձրացնում, երբ ժողովուրդը ցանկանում է իր սեփական գործի համար կօպէկներ ծախսել: Նոյնպէս և նրանք սաստիկ դանդաղում են ժողովրդի «շռայլութեան» մասին, երբ բանւորը մի բիշ մտքուր է հազնվում, պապիրոս է ծխում կամ շղթայով ժամացոյց է կրում, իսկ, իրանք նոյն ժողովրդի ջանից հանած փողերով, առանց խղճահարութեան, հազարներ են ծախսում իրանց վրա. ամենաթանկագին հագուստներ են հագնում, արտասահմանեան գինիներ են խմում, թանկագին սիգարներ ծխում, պալատներում ապրում, երկու-երեք տեղ սիրուհիներ պահում, նրանց մետաքսութաւիշ հագցնում, թանկագին ակնեղէններով զարդարում... և այդ ժամանակ «արիւն-քրտինքով վաստակած» կօպէկները բոլորովին մոռացվում են:

Ոչ, եթէ բանւորները ցանկանում են պատգամաւորներ ընտրել ոչ թէ փողի, այլ գլխի տէր մարդոց, եթէ ցանկանում են, որ իրանց պատգամաւորները միջոց ունենան իրանց ամբողջ ժամանակը նըւիրել սահմանադիր ժողովի աշխատանքին և մանրամասն կերպով ուսումնասիրեն ժողովում յարուցված բոլոր հարցերը, որպէսզի օրէնքի մի որ և է խճճված յօդուածով մնաս չը հասցնեն շահագործված ժողովրդի շահերին, եթէ նրանք ցանկանում են, որ իրանց պատգամաւորները անկախ մարդիկ լինեն և ստիպված չը լինեն չինօվսիկներից ու փողային տուգերից շնորհներ ու բարիքներ ակնկալել,—այդ պարագայում նրանք պէտք է անպատճառ պահանջեն, որ պատգամաւորներին բաւ ոտճիկներ նշանակեն:

Մենք արգէն ասացինք, որ բոլոր բանւորական կուսակցութիւնները այդպիսի ոտճիկ պահանջում են: Այդ բանին նամանաւանդ ձգտում են գերմանական բանւորները, բայց և այնպէս գերմանական կառավարութիւնը յամառ կերպով միշտ մերժում էր այդ պահանջը:

կատարել: Նեղը ընկած գերմանական կայսրը վերջը սկսեց «արիւն բրտինքով վաստակած կօպէկներէ» կեղծաւոր առարկութիւնները մէջ բերել և ապա ուղղակի յայտարարեց, թէ ինքը կը համաձայնի պատգամաւորներին սոճիկ տալուն այն դէպքում միայն, եթէ պարլամենտը իր կողմից կը համաձայնի, որ ընդհանուր ընտրողական իրաւունքը սահմանափակվի: Այդ առարկութիւնով կայսրը մի անգամից ցոյց տուեց, թէ ինչու բանւորների համար այնքան կարևոր է պատգամաւորներին սոճիկ նշանակելը: Եւ որովհետև գերմանական պարլամենտը չը համաձայնեց փոփոխութեան ենթարկել ընդհանուր ընտրողական իրաւունքը, ուստի գերմանական պատգամաւորներն էլ մինչև այս տարի սոճիկ չէին ստանում: Այնուամենայնիւ գերմանական բանւորները չէին ցանկանում պատգամաւորներ ընտրել հարուստներից, ուստի նրանք ստիպված էին սեփական միջոցներ չունեցող սօցիալ դեմոկրատ պատգամաւորների (թւով 81) սոճիկի համար ծախսել տարեկան տեղի քան 20,000 բուրլի բանւորական կուսակցութեան կասսայից:

Բայց չը պէտք է միայն բանւորական պատգամաւորներին սոճիկ նշանակել: Այդ դէպքում հարուստները առիթ կունենան դրանց առաջ պարծենալու, տակով, որ տեսէք, ահա մենք «անշահասիրութեամբ» ենք աշխատում «ժողովրդի օգտի համար», իսկ դուք վարձկաններ էք, սոճիկ էք ստանում: Յայտնի բան է, որ բոլոր գատարկապորտները, որոնք ուրիշի աշխատանքի շահագործութեամբ են ապրում, միշտ «արհամարում» են նրանց, ով վարձով է աշխատում և այդպիսով միջոց տալիս այդ տղրուկներին զեղխութեան ու կատարեալ անգործութեան մէջ ապրել և իրանց մարդկային բարձր ցեղի արարածներ համարել: Որպէսզի այդ կարգի պարծենկոտութիւն չը կարողանայ տեղի ունենալ, պէտք է պահանջել, որ բոլոր պատգամաւորները, առանց նիւթա-

կանի խարութեան, միասեռակ ոտճիկ ստանան: Թէև դա մի քիչ աւելորդ ծախսեր կը պահանջի, բայց և այնպէս չը պէտք է թոյլ տալ որ մի որ և է ոսկու պարկ բարձրից նայէ խեղճ բանուր պատգամաւորի վրա: Բացի դրանից՝ վատ չի լինի այդպիսով և հասկացնել այն ազազազաներին, որոնք կարծում են, թէ օրէնքներ մշակելով իրանք մի «բարիք» են անում ժողովրդին, — որ օրէնսդիրները ոչ այլ ինչ են, եթէ ոչ՝ ժողովրդի ծառաները, որոնք իրանց յանձնված աշխատանքի համար վարձ պէտք է ստանան: Իսկ եթէ ժողովրդին ծառայելը նրանք ժարդուս ստորացնող բան են համարում, սովորած լինելով միայն արքունիքում լակէյի ծառայութեան և բանակալի ձեռքից ողորմութիւններ ստանալուն, այն ժամանակ թող նրանք ժողովրդի գործերին խկի չը խառնվեն. բարի ճանապարհ:

Պատգամաւորներին նիւթապէս տպահովելն էլ դեռ բաւական չէ: Հարկաւոր է, որ նրանք ամեն կերպ տպահովված լինեն, որ նրանց ոչ ոք չը խանգարէ իրանց յանձնված օրէնսդրական աշխատութիւնը ազատ կերպով կատարել, զեկամարվելով միայն իրանց խղճովն ու համոզումներով: Իսկ դրա համար ամենաւեղան և առաջին պայմաններից մէկն է պարզամտ ուղեւորի անձի անձեռնմխելիութիւնը: Ոչ որ իրաւունք չը պէտք է ունենայ ձերբակալել պատգամաւորին, առանց հէնց իր, սահմանադիր ժողովի սրօշման: Ոչ որ իրաւունք չը պէտք է ունենայ պատգամաւորին պատասխանատուութեան ենթարկել նրա, ժողովում արտասանած, ճառերի համար: Պատգամաւորներին խօսքի կատարեալ ազատութիւն պէտք է արվի:

Այս որովհետև պատգամաւորները ժողովրդի ծառաները պէտք է լինեն, ուստի ժողովրդին էլ կատարելապէս միջոց պէտք է արվի իմանալու այն բոլորը, ինչ որ անում են նրա ընտրած ներկայացուցիչները: Սահմանադիր ժողովի նիստերը պէտք է տեղի



ունենան բաւական ընդարձակ շինութեան մէջ և պէտք է զոնքաց լինեն: Հասարակութեան աչքի առաջ անկարելի կը լինի որ և է աշտո կամ կրքոտ վերաբերմունք, և պատգամաւորների պատուութիւնն էլ չի կաշկանդվի: Եւ ամենից աւելի ժողովում խօսքի պատուութիւնը պահպանված լինելու կարիք ունեն բանւորական պատգամաւորները, որովհետեւ ամենից շատ հէնց նրանց ճառերն է, որ յաճախ զուր չեն գալիս միւս բոլոր ունեւոր դասակարգերի պատգամաւորներին: Եթէ ուրեմն, ժողովի նիստերը դձմեակ լինեն, պարզ բան է որ բանւորական պատգամաւորներին ամեն կերպ պէտք է կաշկանդեն:

Որպէսզի ժողովուրդը միջոց ունենայ իր պատգամաւորների աշխատութիւններին լաւ հսկել, ժողովի նիստերի դանբաց լինելն էլ զեւ բաւական չէ. այդ նիստերին կարող են գնալ ներկայ գտնվել մի քանի հարիւր մարդ և այն էլ այն քաղաքի բնակիչներից, որտեղ սահմանադիր ժողովն է գտնվում: Իսկ բանւորները այդ նիստերին կարող են գնալ միայն իրանց անգործ ու պարտոյ ժամանակները: Գործի ժամանակ ի՞նչ կարող է գնալ: Մինչդեռ ժողովում կատարվող բոլոր գործերի ու խնդիրների մասին պէտք է տեղեկութիւն ունենայ, ամբողջ երկրում ապրող, բազմամիլիոն ժողովուրդը: Վրա համար էլ սահմանադիր ժողովի նիստերի մասին պէտք է մանրամասն տեղեկութիւն տրվի ամբողջ ժողովրդին:

Սահմանադիր ժողովի նիստերի լիակատար զեկուցումները ազատ կերպով և առանց կրճատումների պէտք է տպագրվեն բոլոր լրագրներում, ծախվեն և ձրի բաժանվեն: Եւ որպէսզի կառավարութիւնը չը կարողանայ այդ զեկուցումների մէջ զեղծումներ կատարել, պէտք է որ սահմանադիր ժողովի սրահում բաւականին ընդարձակ տեղ յատկացնվի բոլոր լրագիրների ներկայացուցիչների համար, որոնք կը ցան-

կանան իրանց աշխատակիցներին ուղարկելու Եւ այդ լրագրական զեկուցումները չը պէտք է ոչ մի ցենզուրայի ենթարկվեն, այլ պէտք է տպագրվին ու տարածվին բոլորովին ազատ կերպով:

Անա այս բոլոր պայմանները կատարվելով միայն ժողովուրդը կարող է վստահ լինել, թէ իր պատգամաւորները իրապէս հնարաւորութիւն ունեն իրանց աշխատութիւնը ազատ կերպով առաջ տանելու, և միևնոյն ժամանակ նա կարող է ուշի ուշով հակել պատգամաւորների գործունէութեան վրա:

### VIII

#### ԻՆՉՊԷՍ ՁԵՌՔ ԲԵՐԵԼ ՍԱՀՄԱՆԱԳԻՐ ԺՈՂՈՎ

Մենք վեջացրինք այն բոլոր պայմանների նկարագրութիւնը, որ անհրաժեշտ են սահմանադիր ժողով հրաւիրելու համար, մի ժողով, որը իրապէս համաժողովրդային լինի: Միայն այն ժամանակ ժողովուրդը կարող է սահմանադիր ժողով ուղարկել իրապէս իր ցանկացած մարդոց և այն ժամանակ միայն պատգամաւորները իրապէս կարող են և պէտք է որ գործեն իրանց ընտրողների ցանկութեան համաձայն, երբ կատարելապէս ապահովվաց կը լինի ընդհանուր, հաւասար, ուղղակի և զաղտնի բուէարկութիւնը, ինչպէս և ընտրվելու ընդհանուր իրաւունքը, երբ ապահովված կը լինի նաև պատգամաւորների անձեռնմխելիութիւնը և նրանց գործունէութեան վրա հակելու կարելիութիւնը:

Պարզ բան է որ, կատարելապէս ազատ գործունէութիւն ունենալու համար, համաժողովրդային սահմանադիր ժողովը պէտք է լինի երկրի միակ և լիակատար իրաւունքներով օժտված տէրը: Այդ ժողովին պէտք է ենթարկվեն բոլոր մինխտրներն ու չինովնիկները նրա ձեռքում պէտք է լինեն պետական փողերի անօրէնութիւնը և զօրքի զեկալարութիւնը, և

նրա բոլոր կարգադրութիւնները պէտք է անմիջապէս գործադրվեն:

Շատ պարզ է, որ այդպիսի համաժողովրդային սահմանադիր ժողով չեն ցանկանայ գումարել ոչ կառավարութիւնը, ոչ մինիստրները և ոչ էլ ամբողջ բիւրօկրատիան: Ծուղակի մէջ ընկած օձի նման նրանք շարունակ կը գալարվեն, որպէսզի կարողանան իրանց ձեռքում գտնէ մի քիչ իրաւունքներ պահպանել ու թոյլ չը տալ, որ ժողովրդի կամքը պետութեան մէջ լիակատար տէր գառնայ: 1905 թ. յունվարի 9-ին Պետերբուրգի բանւորները գնում էին Թագաւորի մօտ խնդրելու, որ նա սահմանադիր ժողով հրաւիրէ: Եւ այդպիսի մի բան խնդրելն արդէն բաւական էր, որ ամբողջ բիւրօկրատիան ոտքի կանգնէր և անխնայ կերպով կոտորել տար անգէն ժողովրդին: Առանց տատանվելու պրօլետարիատի արիւնից հեղեղատներ կազմել տուեցին, որպէսզի կարելի լինի հէնց արմատից խեղդել սահմանադիր ժողով հրաւիրելու ատելի պահանջը: Սահմանադիր ժողովը բիւրօկրատիայի համար մահ է, իսկ ինչ նրա համար մահ է, այն էլ ժողովրդի բարիքն է: Հէնց դրա համար էլ պէտք է համաժողովրդային սահմանադիր ժողովը ձեռք բերել հակառակ բիւրօկրատիայի կամքի և ոչ թէ նրա միջոցով:

Պէտք է շարունակ համոզել ամենքին և իւրաքանչիւրին, որ բիւրօկրատիան երբէք չէ կարող ժողովրդի շահերի պաշտպան լինել, ուրեմն և նա երբէք չի համաձայնի յօժար կամքով ժողովրդին լիակատար ազատութիւն տալ և համաժողովրդային սահմանադիր ժողով հրաւիրել: Այդ ազատութիւնը ժողովուրդը կարող է միայն ձեռք բերել իր համերաշխ և յանդուկն գործունէութեամբ և շատ լուրջ աշխատանքով:

Իսկ այն, թէ արդեօք սահմանադիր ժողով գումարել տալու աջողութիւնից յետոյ ժողովուրդը սեմ կընտրի և կուզարկի իր շահերը պաշտպանելու, իր կարիքների մասին հոգ տանելու, — դա, ի հարկէ, կախված կը լինի այն հանգամանքից, թէ արդեօք ինչպէս

ինքը ժողովուրդը կըմբռնի իր շահերը, որ աստիճան  
 զարգացած կը լինին րա քաղաքական գիտակցութիւնը:

Երբ բանւորների դասակարգային գիտակցութիւ-  
 նը զարգացած չէ, նրանք շատ հեշտութեամբ ծուղակի  
 մէջ են ընկնում և պատգամաւորներ են ընտրում ա-  
 մեն կարգի ազազագաներ, որոնց համար բոլորովին  
 օտար են պրօլետարիական շահերը, մինչդեռ սահմա-  
 նադիր ժողովում պիտի վճովեն բանւորներին վերա-  
 բերեալ ամենաէական խնդիրները:

Առ այժմ բանւորները երազել անգամ չեն կա-  
 բող, թէ սահմանադիր ժողովի պատգամաւորները մե-  
 ծամամնութիւնը պրօլետարիատի դասակարգային շա-  
 հերի արտայայտողներ կը լինեն: Թէև բանւորները  
 մեծ ոյժ են կազմում պետութեան մէջ, միախմբված են  
 մեծ քաղաքներում, ուր երկրի քաղաքական կեանքն է  
 կենտրոնացած, և «հէնց զրա համար էլ նրանք— բան-  
 ւորները— ազատագրական շարժման առաջաւոր գունդն  
 են կազմում և ամենամեծ ծանրութիւնը իրանց ուսե-  
 րի վրա են կրում, բայց և այնպէս նրանք չնչին փոք-  
 րամասնութիւն են կազմում: Ռուսաստանում բանւոր-  
 ների թիւը 3—4 միլիօն է միայն, այն ինչ բոլոր բը  
 նակիչների թիւը 130 միլիօնից աւելի է: Բազմամի-  
 լիօն գիւղական տարրի մէջ շատ քիչերը կան, որ հէնց  
 այժմեանից հասկանան թէ միայն բանւոր դասակարգն  
 է, որ իր կուով ուզում է բազգաւորութիւն ու ազա-  
 տութիւն ձեռք բերել ամբողջ մարդկութեան համար:  
 Այդ դեռ բաւական չէ՝ հէնց բանւորներից էլ շատերը  
 դեռ չեն գիտակցում իրանց դասակարգային շահերին:  
 Մինչդեռ ընդհանուր ձայնատուութեան իրաւունք ու-  
 նենալու գէպքում, ամբողջ ժողովուրդը հաւասարա-  
 պէս պէտք է մասնակցէ բուէարկութիւններին և, ի  
 հարկէ, այդ բոլոր անգիտակից տարրերը սխալ ընտ-  
 րութիւններ կը կատարեն: Բնական է ուրեմն, որ բան-  
 ւորական պատգամաւորները չեն կարող մեծամասնու-  
 թիւն կազմել սահմանադիր ժողովում:

Բայց եթէ գիտակից բանւորները չեն կարող հէնց  
 առաջին անգամից մեծամասնութիւն կազմել, պէտք է  
 գտնէ մեծ ոյժով աշխատեն, որ բանւորական պատգամա-  
 ւորները կարելիին չափ շատ թւով լինեն: Իրանից կախ-  
 ված կը լինի ժողովում նրանց ոյժն ու նշանակութիւնը:

Ուրեմն, սահմանադիր ժողով պահանջելով հանդերձ, պլուրետարիատի գիտակից տարրերը պէտք է չը մտանան, որ ամենից առաջ անհրաժեշտ է ամեն տեղ և ամենուրէք թէ բանւորներին և թէ ամբողջ ժողովրդին յորդորեն ընտրելու այնպիսի պատգամաւունք, որոնք աշխատաւոր ժողովրդի շահերը կը պատշպանեն: Պէտք է բացատրել բոլոր բանւորներին և ժողովրդի միւս աշխատաւոր տարրերին, թէ նրանք չը պէտք է անտարրեր մնան դէպի երկրի ցուերը, հարկաւոր է նրանց բացատրել իրանց դասակարգային դրութիւնը, այն թշւառութեան ու շահագործութեան պատճառները, որոնք անվերջ ճնշում են, պիտի ցոյց տան նրանց այն ճանապարհը— դասակարգային կուրի ճանապարհը, որ քաղաքական ազատութեան միջոցով տանում է դէպի անտեսական կատարեալ հաւասարութիւն, դէպի սօցիալիզմի պայծառ թագաւորութիւնը: Հարկաւոր է օրէց-օր ուշադրութեամբ հետևել բոլոր կատարվող դէպքերին, բոլոր միւս դասակարգերի ու կուսակցութիւնների գործունէութեանը, հարկաւոր է սովորել մի այնպիսի հաստատ ճանապարհ գտնել, որով պէտք է բնթանայ պրօլետար դասակարգը դէպի իր ազատութիւնը, և այդ ձեռք բերված գիտութեան և դասակարգային գիտակցութեան լոյսը սփռել բոլոր խաւար ու տղէտ եղբայրների վրա:

Պէտք է դիմել բոլոր ժողովրդին, թէ քաղաքային և թէ գիւղական թշւառներին, և բացատրել նրանց, որ միմիայն սօցիալիզմի թագաւորութիւնը վերջ կը դնէ ամեն մի թշւառութեան ու շահագործութեան, իսկ սօցիալիզմին հասնելու համար պէտք է անցնել մի շատ երկար ու դժւարին ճանապարհ, լի անձնուէր կռիւներով: Այդ ճանապարհը պրօլետարիատի կուրի ճանապարհն է: Ով ուզում է ճնշումից և դրկանքից ազատվել, թող երբէք չը մտածէ իր կաշին ազատել նրանով, որ կաշխատի անձնական բարեկեցութիւն հաստատել իր մի կտոր հօդի վրա, իր սեփական խանութում կամ արհեստանոցում: Ծահագործութեան, բռնութեան ու հարստահարութեան հիմունքների վրա հաստատված կապիտալիստական կարգերը իրանց անգութ ճիրաններով միշտ պէտք է սպառնան խլել նրանից իր հալալ աշխատան-



քով ստեղծած անձնական բարեկեցութիւնը: Ով արդարութիւն, ազատութիւն ու հաւասարութիւն է ցանկանում, նա պէտք է կանգնէ այն ճանապարհի վրա, որով պրօլետարիատը դասակարգն է դնում, նա պէտք է իր կոխք միախառնէ պրօլետարիատի դասակարգային կռիւ հետ և նրա հետ միասին ձեռք բերէ ընդարձակ քաղաքական ազատութիւն, հիմնված սոսկաւարական սկզբունքների վրա, որից յետոյ միայն լայն ճանապարհ կը բացվի սօցիալիզմի թագաւորութեանը դիմելու:

Բայց ոչ միայն թշուառներն ու շահագործվածներին դիմելու է, այլ և այն բոլոր ունեւոր դասակարգերին, որոնք ազատութիւն են ցանկանում: Ամենքին էլ բացատրելու և հասկացնելու է, որ ով ուզում է միապետական բիւրօկրատիայի ստորացնող լուծք թոթափել, ով ցանկանում է ազատ քաղաքացի լինել, ում համար թանգ է ազատ կերպով մտածելու, խօսելու, ժողովներ գումարելու, միութիւններ և ընկերութիւններ կազմելու. առանց բիւրօկրատիայի միջամտութեան արդիւնագործական և առևտրական գործեր սկսելու և այլն, և այլն քաղաքացիական ազատ իրաւունքը, նա ոչ մի ջսնք չը պիտի խնայէ համաժողովրդային սահմանադիր ժողով ձեռք բերելու համար, այնպիսի մի ժողով, որը ազատ կերպով ընտրված լինի ընդհանուր հաւասար, ուղղակի և գաղտնի փոխակուրեամբ:

Որչափ լամառ, շարունակական և ուժգին կերպով տարվի այս ապրտացիան, այնչափ աւելի կը գարդանայ բանւորների դասակարգային գիտակցութիւնը և աւելի լաւ հասկանալի կը դառնայ ամբողջ ժողովրդի համար պրօլետարիատի ազատագրական մեծ դերը: Այդ ժամանակ և աւելի մեծ հաւանականութիւն կ'սրող է լինել, որ ժողովուրդը սահմանադիր ժողովին կուղարկէ այնպիսի պատգամաւորներ, որոնք իրապէս նրա շահերի արտայայտիչներ կը լինեն և որոնք վերջ կը դնեն միապետական բիւրօկրատիայի անդուստ թագաւորութեանը և կը հաստատեն Ռուսաստանի ամբողջ ժողովրդի կամքը արտայայտող մի օրինական և արդարադատ կառավարութիւն:

280



